



Broj: 02-04-2-1073/23
Maglaj, 22.06.2023. godine

ZAPISNIK

sa 28. redovne sjednice Općinskog vijeća Maglaj
održane dana 22.06.2023. godine u 9:00 sati u Sali Općinskog vijeća
JU Dom kulture «Edhem Mulabdić» Maglaj

Predsjedavajuća Svjetlana Zamboni: Na osnovu člana 59. Poslovnika o radu Općinskog vijeća Maglaj, zaključaka Kolegija od 13.06.2023.godine, otvaram 28. redovnu sjednicu Općinskog vijeća Maglaj.

Na današnju sjednicu pozvani su vijećnici iz parlamentarnih političkih stranaka: SDP, SDA, A-SDA, DF, HDZ BIH, i samostalni vijećnici Elvir Vehabović, Mustafa Bešić, Mirza Mešić i Mirza Bradarić. U ovom dijelu informisat ću Vijeće o formiranju novih klubova unutar Općinskog vijeća Maglaj i to kako slijedi. Dana 12.06. vijećnici Aida Hadžić i Mirza Mešić donijeli su Odluku o formiranju Mješovitog kluba vijećnika. Dakle vijećnica DF-a Aida Hadžić i samostalni vijećnik Mirza Mešić, usaglasili su se i odlučili da formiraju Mješoviti klub vijećnika u Općinskom vijeću Maglaj pod nazivom Mješoviti klub DF-samostalni vijećnik. Ovaj klub počinje sa djelovanjem danom potpisivanja ove Odluke od strane oba vijećnika. Predsjedavajući Mješovitog kluba DF-samostalni vijećnik u periodu 12.06.-30.09. Mirza Mešić a zamjenica predsjedavajućeg je Aida Hadžić. Potopm u istom vremenskom periodu tromjesečno će se rotirati na funkciji predsjedavajućeg do prestanka mandata ili do donošenja odluke o prestanku rada Mješovitog kluba. Predsjedavajući Mješovitog kluba DF-samostalni vijećnik Mirza Mešić u periodu 30.09.-31.12.2023. godine bit će Aida Hadžić. Sredstva predviđena za rad političkih klubova i samostalnih vijećnika bit će raspoređena na račun koji su vijećnici prethodno već dostavili u Službu za privredu, finansije i budžet Općine Maglaj. Naknada za rad predsjedavajućeg kluba shodno postignutom dogovoru bit će uplaćivana na račun vijećnice Aida Hadžić. U potpisu stoje vijećnica DF-a Aida Hadžić i samostalni vijećnik Mirza Mešić. Druga informacija vezana je za izjavu kojoj su prethodile izjave gospođe Aida Bašić i gospodina Elvira Vehabovića o prestanku postojanja klubova koji su bili aktivni u Vijeću i formiranju novog kluba, u kojoj stoji: "Bašić Aida i Vehabović Elvir izjavljuju da formiraju Mješoviti klub koji će funkcionisati kao takav u sklopu Općinskog vijeća Maglaj. Predsjednik kluba će biti Vehabović Elvir". U potpisu stoje svojeručno potpisano dakle gospođa Bašić Aida i Vehabović Elvir. Treća informacija jeste informacija o formiranju još jednog Mješovitog kluba koji su dostavili gospodin Bešić Mustafa i Mamić Pero, koja kaže: "Informacija o formiranju Mješovitog kluba vijećnika. Poštovani, ovim putem vas obavještavamo da se sa današnjim danom formira Mješoviti klub vijećnika u Općinskom vijeću Maglaj koji čine vijećnici Bešić Mustafa samostalni vijećnik i Mamić Pero, vijećnik HDZ BH, što svojim vlastoručnim potpisom i potvrđujemo. Predsjednik Kluba Bešić Mustafa, svojeručno potpisano. U tom smislu dakle i sam sastav Kolegija za naredne sjednice bit će drugačiji i sazvan po dostavljenim izjavama.

Poziv za sjednicu dostavljeni su OSCE terenskom uredu u Travnik, i sredstvima informisanja koji prate rad današnje sjednice Općinskog vijeća.

Pozvan je Općinski načelnik, rukovodioci općinskih Službi, kao i predstavnici čiji materijali će biti razmatrani na današnjoj sjednici Općinskog vijeća.

Također su pozvani i zastupnici u Skupštini Zeničko-dobojskog kantona gospoda Emira Drnda-Čičeklić, gospodin Jasminko Kapić i gospodin Hajrudin Ferić.

Sve vas pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju, domovinu nam Bosnu i Hercegovinu i svim žrtvama rata.

Molim predstavnicu Službe Općinskog načelnika i Općinskog vijeća, da prozivkom vijećnika utvrdimo broj vijećnika na 28. redovnoj sjednici Općinskog vijeća. Današnjoj sjednici Općinskog vijeća prisustvuju 24 vijećnika, odustan je vijećnik Mirza Bradarić. Konstatujem da Općinsko vijeće može punovažno raditi i odlučivati i donositi Odluke, zaključke i rješenja, čime je ispoštovan član 88. Poslovnika o radu Općinskog vijeća Maglaj. Na današnjoj sjednici izvršit ćemo i verifikaciju zapisnika sa prethodne 27. redovne sjednice Općinskog vijeća i nastavka 27. Redovne sjednice Općinskog vijeća Maglaj, ima li primjedbi? Vijećnik Mešić.

Vijećnik Mirza Mešić: Pozdravljam sve prisutne. Samo kratko pitanje, kad je u pitanju glasanje za Dnevni red, da li je ovo ispravno ko je glasao za a ko protiv? Ja mislim da je ovdje obrnuto.

Predsjedavajuća Svjetlana Zamboni: Sugerirate tačno šta je. Glasalo je za...mislim da je obrnuto. Dnevni red je u pitanju. Dakle radi se o tehničkoj pogrešci, sastav glasača je ovakav ali samo obratno, pa molim da se ta greška i popravi. Da li ima još primjedbi. Nema. Uvažavajući ovu sugestiju vezano za zapisnik i obavezu službi da napravi ispravku. Da li glasate za verifikaciju zapisnika sa prethodne sjednice, ko je za?

Glasalo za: Svjetlana Zamboni, Elvir Arnautović, Jasmin Đuhara, Arif Mujkanović, Almin Smailović, Piruz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Aida Bašić (NES), Pero Mamić (HDZ BH), Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejić, Eldis Kusr, Edin Osmić (SDA), Mirza Mešić (samostalni vijećnik).

Glasalo protiv: Nema.

Uzdržanih: Nema.

Predsjedavajuća Svjetlana Zamboni: Konstatujem da je zapisnik jednoglasno verificiran. Otvaram raspravu po pitanju Dnevnog reda, da li ima prijedloga za proširenje Dnevnog reda, izvolite Nedžad.

Nedžad Čatić: Pozdravljam sve prisutne, na prošloj sjednici Općinskog vijeća donesen je zaključak vezano za tačku Dnevnog reda davanje saglasnosti na koncesiono područje u rejonu Klanci, gdje je zadužena služba da u roku od 10-15 dana obavi javne rasprave na područjima mjesnih zajednica koje gravitiraju u tom dijelu. Postupajući po tom služba je odradila svoj dio posla i mi smo faktički pripremili i kompletno zapisnike sa zapisima sa javnih rasprava i komplet materijal. Tako da ukoliko ste vi saglasni da se ova tačka stavi na Dnevni red, mi bi materijal podijelili u toku sjednice. Hvala.

Predsjedavajuća Svjetlana Zamboni: Hvala lijepo. Predsjednik Kluba SDA.

Vijećnik Maid Suljaković: Selamim i pozdravljam sve prisutne. Obzirom da sam bio prisutan na javnoj raspravi koja je održana u naseljenom mjestu Tujnica i prilikom koje sam dobio informaciju da postoji mogućnost da ova tačka bude danas predložena za dopunu Dnevnog reda, mi smo razmatrali tu temu, smatramo da je rano i da bi trebali to za narednu sjednicu. Ukoliko neće biti sastanak Kolegija po pitanju ove dopune, onda bih ja tražio pauzu prije izjašnjavanja.

Predsjedavajuća Svjetlana Zamboni: Hvala lijepo. Nema više sugestija nikakvih. Ukoliko nema više prijedloga odnosno sugestija vezano za izmjene Dnevnog reda, na zahtjev Kluba SDA pauza prije glasanja. Evo nakon ove kratke pauze samo da iznesem naš stav. Dakle uzimajući u obzir prijedlog koji je iznijela Služba za urbanizam i uzimajući u obzir zaključak koji smo imali obavezujući službu da u vrlo kratkom roku provede javnu raspravu u svim ovim mjesnim zajednicama i naravno uz pohvale službi da je to u tako kratkom vremenu i uspjela, čak i pripremiti materijale za današnju sjednicu, mi ćemo podržati prijedlog službe.

Dopredsjedavajuća Aida Bašić: Hvala predsjedavajuća. Izvolite gospodin Mešić.

Vijećnik Mirza Mešić: Pitanja samo par, do sada kad god smo na samoj sjednici dobijali materijal od službe, raspravljao je Kolegij prvo. Danas je ovo prvi put za ove tri godine skoro što sam ja

ovdje. Zašto se mijenja praksa. Moj prijedlog je da se prvo Kolegij o ovome izjasni, da li da ide na Dnevni red ili ne pa onda dalje, to je moj prijedlog.

Predsjedavajuća Svjetlana Zamboni: Gospodine Mešiću, nismo još završili diskusiju po ovom prijedlogu, naravno da ću napraviti pauzu za Kolegij, kad se iscrpi diskusija, kad klubovi iznesu stavove. Takva je i do sada bila procedura.

Vijećnik Mirza Mešić: Dobro znate da nije takva praksa takva. Dobro znate da prije početka sjednice ste sazivali Kolegij jer sam prisustvovao i ja kao šef kluba SDP-a tada. To što govorite nije istina. Molio bih vas da ne mijenjate praksu.

Predsjedavajuća Svjetlana Zamboni: Ja se samo pridržavam Poslovnika koji je propisao procedure. Ima li još diskutanata. Ukoliko nema diskutanata zaključila bih raspravu po pitanju Dnevnog reda a predsjednike klubova pozvala na sjednicu Kolegija. Nastavljamo s radom, dakle imali smo ovdje prijedloge iz službe. Možemo li nastaviti sa radom. Imali smo prijedlog službe da se proširi Dnevni red za tačku vezanu za koncesije u MZ Radojčići. Na Kolegiju su se izjasnili da se to ne uvrsti u Dnevni red. Međutim Kolegij predlaže Dnevni red, stavljam dakle prijedlog Kolegija vijećnici na glasanje. Prijedlog Kolegija je da se ne uvrsti tačka u Dnevni red. To je prijedlog Kolegija. Kolegij ne utvrđuje Dnevni red, Kolegij predlaže Dnevni red. Dakle izjašnjavate se o prijedlogu Kolegija koji glasi da se tačka predložena od strane službe ne uvrsti u Dnevni red. Pažljivo slušajte, da se ne uvrsti u Dnevni red. Ko je za ?

Glasalo za: Aida Bašić (NES), Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusur, Edin Osmić (SDA), Mirza Mešić (samostalni vijećnik).

Glasalo protiv: Svjetlana Zamboni, Elvir Arnautović, Arif Mujkanović, Almin Smailović, Firuz Galijašević, Senad Šehić, Samir Fetić, Fikret Dejić (SDP), Mustafa Bešić (samostalni vijećnik), Pero Mamić (HDZ BH).

Uzdržanih: Nema.

Vijećnik Jasmin Đuhera nije prisutan u sali za vrijeme glasanja. Izvolite Maide.

Vijećnik Maid Suljaković: Obzirom da nismo održali pauzu za klubove, pa da informišem vijećnike. Evo iskoristit ću ovdje priliku da kažem otprilike o čemu smo razgovarali na Kolegiju, da budu upoznati i ostali vijećnici i javnost. Dakle razmatrani su javne rasprave koje su održane u MZ Novi Šeher, MZ Radojčići i MZ Liješnica, odnosno naselje Tujnica u kojem su doneseni određeni zaključci i zahtjevi građana sa tog područja koji su upućivali različitu raspodjelu koncesione naknade, koja dolazi iz kantona u Općinu Maglaj i onda su vijećnici koji su skinuli ovu tačku s Dnevnog reda su tražili da se uz ovu Odluku odnosno davanje saglasnosti donese odluka koja će biti, koja će definisati omjere procentulne omjere koji će biti raspoređeni u navedene mjesne zajednice. Obzirom da je ovo jako važna tema i da bi sprječili različite politikanske priče mi smo predložili da se sjednica po ovom pitanju održi u narednih 15 dana, a u međuvremenu da mjesne zajednice sjednu i da usaglase svoje stavove koji će biti propratni dokument vijećnicima koji mogu da glasaju na taj način.

Predsjedavajuća Svjetlana Zamboni: Uz jednu malu dopunu Maide, ako se slažete da izneseni prijedlog da se danas u vidu zaključka koji bi obavezao službu i mjesne zajednice i Službu za finansije da se sjedne i napravi se modus raspodjele tih sredstava. To bi sve bio dio zaključka, da je došlo na raspravu. Obzirom da nismo ovo uvrstili u Dnevni red I ne idemo u tom smjeru. Evo nakon ovih iznesenih stavova, ja bih pročitala Prijedlog Dnevnog reda za današnju sjednicu.

DNEVNI RED

1. Prijedlog Odluke o imenovanju Općinskog pravobranioaca Općine Maglaj
2. Prijedlog Odluke o davanju saglasnosti na Odluku Nadzornog odbora Komunalnog javnog društva d.o.o. Maglaj o izmjeni Odluke o cijeni vode i odvodnji kanalizacije
3. a) Izvještaj o radu Javne ustanove Dom kulture Maglaj

- b) Program rada Javne ustanove Dom kulture Maglaj
- 4. a) Izvještaj o radu Javne ustanove Centar za socijalni rad Maglaj
 - b) Program rada Javne ustanove Centar za socijalni rad Maglaj
- 5.a) Izvještaj o radu Javne ustanove Narodna apoteka Maglaj
 - b) Program rada Javne ustanove Narodna apoteka Maglaj
- 6.a) Izvještaj o radu Javne ustanove Narodna biblioteka Maglaj
 - b) Program rada Javne ustanove Narodna biblioteka Maglaj
- 7. Izvještaj o radu Javne ustanove Dom zdravlja Maglaj
- 8. Prijedlog Kriterija za dodjelu stipendije redovnim studentima I i II ciklusa studiranja sa područja općine Maglaj za akademsku 2022/2023. godinu.
- 9. Informacija o stanju i kretanju nezaposlenosti i zapošljavanja na području općine Maglaj za 2022. godinu

Vijećnička pitanja i inicijative.

Ko je za usvajanje današnjeg Dnevnog reda?

Glasalo za: Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Aida Bašić (NES), Pero Mamić (HDZ BH), Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusur, Edin Osmić (SDA), Mirza Mešić (samostalni vijećnik).

Glasalo protiv: Nema.

Uzdržanih: Nema.

Konstatujem da smo jednoglasno usvojili Dnevni red, vijećnik Đuhera se vratio u salu.

AD 1. Prijedlog Odluke o imenovanju Općinskog pravobranioca Općine Maglaj

Predsjedavajuća Svjetlana Zamboni: Prelazimo na prvu tačku Dnevnog reda, a to je Prijedlog Odluke o imenovanju Općinskog pravobranioca Općine Maglaj. U vezi sa tim dostavljen je zaključak Komisije za izbor i imenovanja, koji glasi: Dostavljamo zaključke Komisije za izbor i imenovanja sa sjednice održane dana 21.06.2023. godine, a tačka Dnevnog reda je Prijedlog Odluke o imenovanju Općinskog pravobranioca Maglaj. Zaključak glasi: 1.1. Komisija za izbor i imenovanja konstatuje da je komisija za izbor Općinskog pravobranioca Maglaj provela cjelokupnu proceduru u skladu sa Odlukom o standardima i kriterijima za imenovanje Općinskog pravobranioca Maglaj broj: 02-04-1-552/23 koju je donijelo Općinsko vijeće na 25. redovnoj sjednici Općinskog vijeća Maglaj održanoj 30.03.2023. godine i 05.04.2023. godine, te predlaže Općinskom vijeću da potvrdi rang listu komisije za izbor Općinskog pravobranioca Maglaj. 1.2. Komisija za izbor i imenovanja je zauzela stav da se u provođenju budućih konkursnih procedura vodi računa o poštivanju Zakona o zaštiti ličnih podataka i stavovima Agencije za zaštitu ličnih podataka. Otvaram raspravu. Izvolite gospodine Kusur.

Vijećnik Eldis Kusur: Ja vas sve selamim i pozdravljam i želim nam kao i uvijek da danas uspješno završimo i ovu sjednicu. Znači, ispred Kluba SDA zadužen sam da iznesme stav Kluba po ovoj tački Dnevnog reda ali prvo i lično u svoje ime bih budućoj našoj ako je danas izaberemo ovdje i potvrdimo njen mandat, u što ne sumnjam Azri Čakrami čestitao i zaželio uspješan rad u budućnosti. Cijeneći informaciju koju smo pregledali koju je komisija dostavila, koja je bila zadužena da provede javni konkurs po izboru i imenovanju Općinskog pravobranioca, Klub SDA

nema nikakvih primjedbi jer ista je provedena u skladu sa Odlukom kao što je već i ranije predsjedavajuća navela. Na koji se pozvala i Komisija za izbor i imenovanja. Znači, provedena je u skladu sa Odlukom i ovim putem Klub SDA podržat će imenovanje Azre Čakrame za pravobranioca.

Predsjedavajuća Svjetlana Zamboni: Hvala lijepo. Da li ima još diskutacija? Nema, dakle u vezi sa tim zaključujem raspravu te mogu samo na glasanje staviti ovaj prijedlog koji je i od strane komisije potvrđen, ko je za imenovanje gospođe Azre Čakrame na mjesto pravobranioca?

Glasalo za: Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Aida Bašić (NES), Pero Mamić (HDZ BH), Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusur, Edin Osmić (SDA), Mirza Mešić (samostalni vijećnik).

Glasalo protiv: Nema.

Uzdržanih: Nema.

Konstatujem da je ova Odluka jednoglasno donesena, da li je gospođa Čakrama u sali? Gospođo Čakrama ja vam u ime Općinskog vijeća i u svoje lično ime čestitam te vas pozivam da pročitate zakletvu. Pozvala bih sve vijećnike da ustanu, dok novoizabrana pravobraniteljica čita svoju zakletvu. ; U skladu sa članom 38. Zakona o pravobranilaštvu Službene novine Zeničko dobojskog kantona broj 12/13 prije stupanja na dužnost Općinski pravobranilac daje svečanu zakletvu pred Općinskim vijećem.

Azra Čakrama: Zaklinjem se da ću se u vršenju službe Općinskog pravobranioca pridržavati Ustava i zakona Bosne i Hercegovine, FBiH, Zeničko dobojskog kantona i Statuta Općine i da ću službu obavljati savjesno.

Predsjedavajuća Svjetlana Zamboni: Ja Vas molim da svoju izjavu potpišete. Želimo vam puno sreće u Vašem radu, što manje predmeta po mogućnosti i što više pobjeda.

Azra Čakrama: Hvala vam svima, evo ako dozvolite, ja ću vrlo kratko. Uvažena predsjedavajuća, dopredsjedavajuća, poštovani vijećnici, cijenjeni načelnice, predstavnici općinskih službi i ostali gosti. Velika je čast i zadovoljstvo stajati ovdje pred vama i prihvatiti ovako odgovoran posao. Danas dok stojim ovdje, nakon što sam položila svečanu zakletvu, da ću svojr ad obavljati savjesno i pošteno, sa sigurnošću mogu reći, da ću biti na usluzi svim građanima općine Maglaj. Da ću svojim radom pokušati stvarati pozitivan ambijent u okruženju. Da ću biti rado konsultiran suradnik, koji će raditi zajedno sa vama, Općinskim načelnikom i administracijom. Sve samo sa jednim ciljem a to je stvaranje ugodnog oslovnog okruženja za sve nas. Cijenjeni vijećnici, načelnice, nadam se da ćemo zajedničkim djelovanjem rješavati sve poteškoće s kojima se budemo susretali i zajedno krčiti put i činiti naš Maglaj ugodnim za život svim generacijama. Hvala vam svima.

Predsjedavajuća Svjetlana Zamboni: Hvala vama pravobraniteljice.

ZAKLJUČAK

1.1. Donosi se Odluka o imenovanju Općinskog pravobranioca Općine Maglaj, kojom se Azra Čakrama imenuje za Općinskog pravobranioca Općine Maglaj.

AD – 2: Prijedlog Odluke o davanju saglasnosti na Odluku Nadzornog odbora Komunalnog javnog društva d.o.o. Maglaj o izmjeni Odluke o cijeni vode i odvodnji kanalizacije

Predsjedavajuća Svjetlana Zamboni: Možemo preći na drugu tačku Dnevnog reda a to je Prijedlog Odluke o davanju saglasnosti na Odluku Nadzornog odbora Komunalnog javnog društva

d.o.o Maglač o izmjeni Odluke o cijeni vode i odvodnji kanalizacije. Da li je gospodin Bešliagić izvjestilac po ovoj tački. Evo moze uvod dati.

Nermin Bešliagić: Dobar dan, pozdravljam sve prisutne, ovako shodno zaključcima Vijeća od decembra i zaključcima koji su poslije uslijedili znači otprilike općinske službe, Služba za privredu i Služba za urbanizam su zadužene da za određen način opredijele svoj stav prema prijedlogu Odluke o izmjeni cijena vode i odvodnji kanalizacije i drugih komunalnih usluga i s te strane u tom procesu Općinski načelnik je formirao komisiju koja je otprilike imala zaduženja da razmotri sve aspekte funkcionisanja Komunalnog javnog društva, pravnu i zakonsku regulativu i na određen način preporuči ove svoje prijedloge, odnosno uspostavi određen odnos prema Prijedlogu Odluke Nadzornog odbora. U tom pravcu pred sobom imate u materijalu imate stav službe koji otprilike potkrepljuje i potvrđuje stav komisije koja je radila i koja je na određen način donijela tri prijedloga, tri zaključka koja idu u pravcu određenog kompromisnog povećanja cijene kako je predložio Nadzorni odbor. Zatim preporuke prijedloga kontinuiranog usklađivanja u budućnosti cijena ovih komunalnih usluga i treći zaključak koji ide u pravcu kontinuiranog poboljšanja i podizanja nivoa efikasnosti funkcionisanja Komunalnog. Otprilike jedna može se reći i kompromisan prijedlog, kompromisna odluka. Mislim da je potpuno utemeljena u realnosti i u faktima i činjenicama koje su predočene komisiji. S te strane mogu reći ako imamo odluku koja nije mijenjana, odnosno cjenovnik koji nije mijenjan 20 godina. Mislim da niko u ovoj Sali, ne može odgovorno reći da ne postoji potreba promjene. S obzirom, da se sve drugo promijenilo u proteklih 20 godina od cijena svih mogućih parametara koji utiču na poslovanje. Što se tiče, same potrebe unaprijeđenja rada, poboljšanja rada i efikasnosti Komunalnog sigurno je da postoje unutrašnje rezerve koje treba u budućem periodu crpiti i to je sigurno zadatak svih politika koje ovdje funkcionišu da na određen način nalaze način, da utiču kroz upravjačke strukture, da ga čine efikasnijim, da predlažu mjere, da traže odgovornost izvještavanja od strane Komunalnog u smislu efikasnijeg rada u budućnosti. S te strane znači ponavljam da se radi o prijedlogu kompromisnog poskupljenja gdje je otprilike kalkulacija Komunalnog u ovom trenutku sežu do toga, da je cijena proste reprodukcije 1,70 a u ovom slučaju Nadzorni odbor se opredjelio za jedna kompromisni prijedlog i predložio cijenu koja je u odluci Nadzornog odbora od 0,90 il koliko već. Toliko.

Predsjedavajuća Svjetlana Zamboni: Hvala najljepša. Otvaram raspravu, gospođa Hadžić, izvolite.

Vijećnica Aida Hadžić: Dobar dan svima. Ja ću probati za tri minute ovo da pročitam, jer zaista smatramo..

Predsjedavajuća Svjetlana Zamboni: 6 minuta Aida, imate.

Vijećnica Aida Hadžić: Problem smatramo veoma ozbiljnim iako smo prolu sjednicu zahtijevali da ovo bude baš tematska sjednica da ne ide baš i ova točka ali evo pristali smo na to. Da opet otvorimo neku raspravu kako bi se pripremili za ove probleme koji su zaista veliki. Iako smo na sjednici od 05. aprila donijeli zaključak da se u roku od 30 dana dostavi plan sanacije gubitka sa analizom funkcionisanja Komunalnog uz mišljenje nadležnih službi, dobili smo tri dana prije sjednice papire, mimo Poslovnika, dostavljen je Prijedlog Odluke o izmjenama cijena, usluga vodosnabdjevanja i kanalizacije. Analiza problematike vodosnabdjevanja i kanalizacije, te kratak presjek stanja i uopšteni prijedlozi od strane Komunalnog društva kada su u pitanju ostale komunalne djelatnosti. Mišljenje službi se svelo samo na par rečenica opravdavanja povećanja cijena, s tim da mi opet naglašavamo da nismo protiv povećanja cijena i zaista smatramo da to treba imati realnu ekonomsku računicu. Svjesni dubokih problema koje društvo ima, naš stav je da se sagledaju sa različitih strana razlozi negativnog poslovanja, uzroci, faktori kako spoljni tako i unutrašnji koji su doveli do ovih problema i da se sagledaju sve mjere koje je potrebno preduzeti kako bi se društvo dovelo u stanje samoodrživosti i odražava potreban nivo i kvalitet usluge koji pruža ovo preduzeće građanima. Svjesni smo da opet ponovim da prolongiranje ovog problema ne ide na ruku nikom ali zaista mi zahtjevamo znači detaljnu analizu i plan sanacije poslovanja društva. Općinska administracija godinama od 2014. godine površno ili nikako se bavi problemima Komunalnog samo zato što se od donošenja novog Zakona o komunalnim djelatnostima ZDK. Znači, nije bilo dovoljno volje da se ovaj zakon i provodi. Zato imamo stare i neujednačene

cjenovnike još iz 2003. ili 2009. godine, nemamo tarifni sistem, Odluku o standardima pružanja usluga a sve su to akti koji po zakonu Općinsko vijeće mora donijeti. Svim tim Odlukama bi se održala, odnosno očuvala samoodrživost Komunalnog, osobno kroz program utroška sredstava od komunalne naknade i drugih naknada čiji su utrošci isključivo namjenski. Drugi pravac djelovanja jeste normativa koju je zakon odayno propoša vijeću kao što je npr. Odluka o vodovodu i kanalizaciji, Odluka o zaštiti izvorišta vode za piće, što je pobrojano u analizi koju su zaista sačinili pravnici Komunalnog. Osim ovoga potrebno je urediti i prava i obaveze osnivača, kao i društva u pogledu prikupljanja i odvoza otpada, upravljanja deponijom Nekolj, parking prostorima, pijacom, grobljem i slično. Obzirom da bi predložene izmjene koje smo dobili u materijalima otprilike znači donijele povećanje prihoda od 60-70 hiljada na godišnjem nivou a da je gubitak znatno veći, ovo zaista ne predstavlja neki, odnosno dovoljan korak koji bi pomogao da se popravi poslovanje ovog preduzeća. Zato mi predlažemo sljedeće zaključke. Da se ova Odluka o davanju saglasnosti o povećanju cijena vrati na doradu i da se zakaže tematska sjednica do 30.09. da se do 30.09.donese Odluku o tarifnom sistemu pružanja komunalnih usluga odluka o stadardima pružanja komunalnih usluga a u skladu sa zakonom o komunalnim djelatnostima. Da se do 30.09. sačini analiza stanja sa detaljnim prijedlogom sanacije i finansijske konsolidacije društva po svim djelatnostima za period od 3 godine, što je i zakonski plan i isti razmatra na Općinskom vijeću do navedenog datuma. Zadužuje se Nadzorni odbor da preduzme sve mjere i radnje koje se odnose na eventualne aktivnosti vezane za novo zapošljavanje osim da se kao zaledi do 30.09. ukoliko je bilo u planu novo zapošljavanje, osim ako je to isključivo neophodno da bi se obavljao posao. Te da se naloži upravi društva da sačini Plan unutrašnje racionalizacije materijalnih i kadrovskih resursa. Da se Nadzorni odbor zadužuje da dostavi polugodišnji finansijski izvještaj sa 30.06. kako bi se isti mogao razmatrati na tematskoj sjednici do 30.09.

Predsjedavajuća Svjetlana Zamboni: Hvala lijepo, da li ima još diskutadata? Izvolite gospodin Begić.

Vijećnik Jasmin Begić: Ja vas sve selamim i pozdravljam, većinu toga je vijećnica Hadžić iznijela što sam ja mislio. Vezano za ovu odluku, ako ste gledali i čitali materijal ova Odluka nije pratila ovu analizu. Odluka je donesena 11.11.2022. godine a mi analizu imamo 25.04.2023. godine. Znači, ova Odluka je donesena napamet bez ovih parametara koje mi imamo sada. Podržat ćemo prijedlog vijećnice Aide Hadžić iz razloga tog što se podurara sa našim ali radi javnosti i svega toga bi se samo htio još naznačiti zbog čega nije dobro ovoe poskupljenje. Čitajući materijal i između ostalog ste vidjeli tu da je problematiku predstavlja naplata potraživanja, zato što je 30 % korisnika vode i komunalnog su socijalni slučajevi. Šta vi mislite sad da mi ponovo poskupimo; šta bi onda se desilo. To vam dajem na razmišljanje. Što se tiče analize ove kad smo gledali to sve, građani ovdje neće plaćati sukop SDP-ovih kadrova. Ovdje se jasno vidi kad se čita materijal ovaj da se vidi da je do 2020.godine za održavanje javnog zelenila i svega toga, uredno uplaćeno 94.000,00 KM. Od kako je nastao sukob kadrova SDP-a aktuelnog načelnika i aktulenog direktora taj prihod je smanjen na 68.350,00 KM. 25.000 maraka je oštećeno Komunalno zbog tog sukoba. Čitajući dalje materijal vidimo da je taj ugovor potpisan, obveznik PDV-a je Komunalno.na osnovu tog ugovora i ispostavljanja faktura društvo je moralo na iznos od 94.000,00 KM da plati PDV. Plaćen je PDV na taj iznos a 68.000,00 KM je uplaćeno. Ja pozivam administraciju Opštine da 25.000,00 maraka uplati društvu i da se stabilizuje trenutno stanje. Isto tako ćemo podržati jednu tematsku sjednicu oko Komunalnog da se razmotri o svemu, čak i o odvozu smeća koji se naplaćuje po kvadratu što ne bi trebalo. Kvardart ne proizvodi smeće, proizvodi djelatnost i članovi obitelji.

Predsjedavajuća Svjetlana Zamboni: Hvala lijepo, Bešić izvolite.

Vijećnik Mustafa Bešić: Ovako i ja vas sve selamim i pozdravljam pošto izlazim prvi put. Slučajući moje kolege izlagače ja ću vam iznijeti na Kolegiju sam iznio stav i mišljenje, pošto sam upoznat, dobro sam upoznat o stanju u društvu. Ja sma rekao na Kolegiju da Komunalno društvo trenutno se nalazi u teškoj situaciji. Da mi na mjesečnom nivou poslujemo sa 35-40 hiljada maraka. Što znači vremena nema za čekanje. Ja vas upozoravam imam dopust od radnika koji su me zamolili da iznesem ovdje da kažem ljudi rade od 630-650 KM. To su vam oni ljudi napolju

pčele radilice koji rade svakodnevno. Danas taj radnik vrijedi zlata, ostat ćemo bez radne snage. Ljudi samo 7 dana da ljudi stanu, grad bi bio toliko prljav. Ja vas molim da shvatite ozbiljnost. ne ulazim u prepucavanja ko je šta kako ali je trenutno društvo u teškoj situaciji. Molim da podržite Odluku, sigurno ovo nije dovoljno ovih 90 pfeniga. 1,15 KM je realna cijena ako gledate tamo. Ja imam ovdje pred sobom da Tešanj ima najjeftiniju trenutno vodu sa 1,15 KM. 62 feninga ima li igdje da ima redovno. Evo u mojoj Domisluci odgovorno tvrdim marku plaćamo. Ja vas molim shvatite ozbiljno neću da ulazim ko je kriv, šta je je. Firma posluje, mi imamo sa novom godinom 428.000,00 KM gubitka, od Nove godine do 31.05. imamo još 170.000,00 KM u minusu. Znači 35.-40 hiljada mjesečno ide. Evo vi sada radite do 9 mjeseca šta će biti, šta će se desiti samo da vas upoznam. Toliko, hvala.

Predsjedavajuća Svjetlana Zamboni: Gospoda Hadžić izvolite.

Vijećnica Aida Hadžić (replika): Na izlaganje gospodina Bešića zaista moram reći znam kako se osjeća on i svi ostali radnici Komunalnog. Ja samo želim da naglasim da mi zaista cijenimo njihov rad i da se njihov rad vidi. Da je ova izmjena cijena trebala biti davno. Ja sam bila prisutna na sjednici kad je direktor Bradarić iznosio te probleme i tada se nije nažalost uvažilo, tako da ovaj mjesec-dva neće ja mislim se postići toliki efekat koliko da mi zaista trebamo o tome otvoreno i javno raspravljati i detaljno napraviti analizu i da se utvrdi cijena koje ja zaista dovoljna za samoodrživost Komunalnog. Ja se slažem da ta cijena treba biti veća.

Predsjedavajuća Svjetlana Zamboni: Abdurahmanović.

Vijećnik Adis Abdurahmanović (replika): Selamim i pozdravljam sve pristune. Nisam mogao da se ne uključim, kolega Bešiću, mislim da niste pomno slušali izlaganje kolegice Hadžić. Niko ovdje nije protiv povećanja cijene vode, to smo davno na sjednici ovdje zaključili. Slažemo se da nema nigdje ovako niske cijene vode, međutim Komunalno ima puno većih problema koje ćemo nastojati da riješimo i upravo zbog toga stoji u zaključku kolegice Hadžić koliko sam ja razumio da do 9-tog mjeseca da se napravi sjednica gdje ćemo samo o Komunalnom. Nije problem samo voda, problem je i smeće i svašta nešto. Imamo mi tu problem ak oje ćemo uz sugestije svih nas 25 riješiti. Toliko. Imao sam potrebu, nekako mi ovo izgleda usmjeravanje radi javnosti tamo negdje drugo. Zaista nije zamolio bih prije glasanja po zaključku odnosno prijedlogu kolegice Hadžić da se još jednom pročita i da se pomno sluša. Hvala.

Predsjedavajuća Svjetlana Zamboni: Hvala lijepo i javljam se za riječ.

Vijećnica Svjetlana Zamboni: Pažljivo sam slušala i izlaganje gospodina Bešlićića i kolegice Hadžić. Govorim sada samo u svoje lično ime, dakle čini mi se da u ovakvim diskusijama dolazimo u situaciju da bi ovo možda bila jedna od mjera koje bismo preduzeli za poboljšanje statusa društva, kako radnika tako i mogućnosti redovnog i urednog vodosnabdjevanja jer želim da odvojim temu odvoza smeća od ove teme, one zapravo danas i nisu za diskusiju zajedno. Čini mi se da je ova mjera koja je predložena kroz ove zaključke i ovo kontinuirano praćenje što nam je gospodin Bešlićić iznio ovdje zapravo samo jedan od koraka koji bi uslijedili u narednom periodu za popravljanje statusa preduzeća a uzimajući u obzir i period, obračunski period kako to Komunalno radi dakle i vapaj koji je iznesen ovdje pred nama kao vijećnicima vezan za poslovanje ja lično mislim da je ovo samo jedan od koraka koji bi vjerovatno vremenom bili načinjeni i zapravo naš kako bih rekla inicijalni postupak za ono što će donijeti ovi koraci u narednom periodu.

Dopredsjedavajuća Aida Bašić: Hvala predsjedavajuća. Gospodin Suljaković izvolite.

Vijećnik Maid Suljaković: Ja bih želio da naglasim da nisam uposlenik Komunalnog ali bez obzira na to, ništa više vijećnik Bešić ne želi dobro tom preduzeću nego što želim ja. Ovaj problem dakle kad se definišu različiti problemi u bilo kojoj sferi uradi se analiza problema i definišu se uzročnici određene pojave i posljednice. U ovom slučaju posljedice da je naše preduzeće negativno posluje a uzroci su brojni drugi koje je navodila i kolegica Aida Hadžić i gospodin Begić itd. Mi ovim samo spriječavamo posljedicu koja je došla da je taj minus. Ništa drugo mi tim nećemo riješiti zbog toga smo i maksimalno podržavamo ove zaključke koje je gospoda Aida iznijela iz razloga što je to jedno sistemsko rješenje, što će tim rješenjem biti zaštićeni i naredni uposlenici u narednim godinama ko god bio direktor, ko god bio načelnik znat će se jasno koje su nadležnosti.

koje su obaveze i Komunalnog itd. Komunalno u prethodnom periodu preuzimalo obaveze Općine, finansiralo je svojim sredstvima te stvari koje nije trebala i onda se dovede u situaciju da ima negativno poslovanje. Baš zbog toga je jako važno da se ovi akti donesu u ovom narednom periodu i da se na taj način zaštiti Komunalno preduzeće od bilo kojih privatnih konflikata. Ja želim da naglasim da sam izuzetno zadovoljan sa radom uposlenika ovog preduzeća i niko u prethodnom periodu koliko smo razmatrali nikada nisam čuo da neko kritikuje njih, nego uglavnom je u pitanju taj menadžment i ta saradnja između Općine kao osnivača i obaveza društva. Ja predlažem obzirom da je u velikom dijelu Općina odgovorna za ovakav negativan bilans finansijski predlažem da se iz Općinskog budžeta izdvoje sredstva ta koja su neophodna a da se u naredni tri mjeseca stvarno napravi rješenje kojima ćemo poboljšati rad našeg preduzeća u narednom periodu. Hvala.

Predsjedavajuća Svjetlana Zamboni: Načelnik se javlja za riječ.

Mirsad Mahmutagić, Općinski načelnik: Koristim priliku da vas sve srdačno pozdravim. Nisam dugo izlazio za ovu govornicu, nisam mislio ni danas ali s obzirom na par ovih izrečenih neistina, totalnih promašaja dužan sam da kažem istinu. Dakle ovdje se potencira sukob unutar SDP-a, sukob Općine i Komunalnog, direktora i načelnika itd. ako ste vi vijećnici polakali zakletvu ovdje i ako su vas građani birali da se bavite mahalanjem, a ne problemima, ja vam se divim. Dakle, čista je laž da Općina nije ispunila svoje obaveze a pogotovo glupost da je nešto fakturisano 95 a plaćeno 68, pa razlika PDV-a itd. Ništa ni sa čim. Nije valjda da ne znate da i vi usvajate planove i programe. Nije valjda da ne znate da se usvaja na Vijeću i Plan za održavanje zelenila i higijene itd. sve to što je usvojeno, sve to od strane Općine bude u 100 % iznosu realizovano. Ako poredite neke godine za zelenilo što je neke godine više neke godine manje. Sredstva za zelenilo su namjenska sredstva, onako kako budu planirana tako i izvršavamo količinu radova unutar ugovora, odnosno plana koji donese Vijeće. Da li je komunalno radilo i nešto više od toga, jeste sigurno. Ja mogu imati zamjerke i na menadžment, mogu imati 1000 zamjerki i na direktora ali nemojte da se ovdje bavite. Danas je tema cijena vode, nemojte da se bavite direktorom, sa mnom ili političkim partijama. Bavite se sa cijenom vode, bavite se sa onim što ste odgovorni kao vijećnici, zašto ste dali zakletvu. Ovi građani koji su korisnici pitke vode, gradskog vodovoda plaćaju najnižu cijenu i građani nemaju problem sa povećanjem cijene od 30-tak pfeninga iako je to u prosjeku 5 kubika mjesečno po porodici, to je 1,5 KM na mjesečnom nivou. Nisam vas čuo da se bunite na telekom koji uzima marku za što nosate telefon. Nisam čuo da se bunite za poskupljenje ulja, brašna itd. sve ono što je otišlo od 100, 200 i 300 % u odnosu na 2023. godinu kad aje posljedni put formirana cijena vode. Ovo je ponovo i ako date suglasnost ponovo najniža cijena pitke vode i oni koji su bili na Kolegiju, znaju da sam i na Kolegiju rekao da ovo će vjerovatno biti samo prvi korak. Moraju se formirati tržišne ekonomske opravdane cijene. Komunalno nije profitabilno društvo ali ne treba da bude i gubitaš. Danas pričamo o cijeni vode. Svaki ovaj vodovod mimo Komunalnog mislim da ima veću cijenu nego što je cijena ovdje. Sve ostale probleme ima problema i sa odvozom smeća, sa cijenom odvoza. Ima različitih tumačenja kako treba formirati. Slažem se da to treba dobro izanalizirati. Da treba vidjeti kako to rade u drugim općinama, da treba vidjeti kako to rade u općinama koje su efikasne. Nemojte da se igramo sa cijenom odvoza smeća pa sutra imamo divlje deponije na sve strane ali nikako ni da propadne zato što mi kažemo da treba negdje da bude 2 KM negdje 4, nekogdje 8 KM. trebamo dovesti i građane u isti red, ravnopravnost da kažemo. Nemam ništa protiv dajte da se otvori priča i oko odvoza smeća pa neka se napravi nešto što je kvalitetno, što je dobro. Nećemo mi sa ovakvim metodama doći i kad bude priča o ulasku u EU, dakle morat ćemo se prilagođavati zapadu i zapadnim standardima. To će biti i u vodi i u smeću itd. ne zaboravite da postoji metodologija o formiranju cijene pitke vode, koju ne koriste društva, zato što bi ta cijena otišla znatno više. Nemojte evo ja vas molim i neću više izlaziti šta god ko rekao, nemojte se baviti politikom na životnom pitanju. Nemojte čuvati građane za 30 pfeninga a dovest ćete ih sutra u situaciju da nemaju vode. Imate nanižu cijenu u Tešnju, jel znate naše bogastvo u odnosu na Tešanj. Jesu prošle godine pola ljeta bili skoro bez vode.

Predsjedavajuća Svjetlana Zamboni: Hvala načelnice. Replika Begić i Vehabović se javlja za riječ, čini mi se.

Vijećnik Jasmin Begić (replika): Samo da napomenem da se ne bavimo mahtanjem nego čitamo materijal, za razliku od načelnika koji nije pročitao gdje piše fino prihoditi po ugovoru i održavanju gradskog zelenila zaključen sa povezanim pravnom licem. Povezano pravno lice je Opština. Fino pokazatelj govori 94.000,00 KM, 68.000,00 i od tih 68.000,00 KM je plaćen PDV. Druga stvar ono što smo mi upozoravali iz SDA na početku mandata da treba zapošljavati sposobne a ne podobne, niko nas nije slušao iz aktulene vlasti. Šta se desilo, desilo se to da je menadžment kako radi samo na jednom izgubljenom slučaju protuzakonnog otpuštanja izgubio 25.000,00 KM. znate li vi koliko se moglo puta povećati plata za tih 25.000,00 ovim radnicima. Da ne govorim sada o stranačkom zapošljavanju. Uporedite u analizi Izvještaj iz 2016. godine koliko je bilo uposlenih a pogledajte sada. Kada smo govorili da treba broj radnika da prati broj izvođenih radova i svega toga. Da pojedini se ne vozažu po cesti samo onako tek tako, znamo mi to dobro a ne zarade platu ni za 200, 00 KM. niko nas tada nije slušao. Problem je napravila aktulena vlast, problem treba da rješava aktulena vlast a ne građani Maglaja.

Predsjedavajuća Svjetlana Zamboni: Replika Bešić. Svi smo aktulena vlast, nas 25 ovdje.

Vijećnik Mustafa Bešić (replika): Ne mogu da ne repliciram kolegi Begiću, kad mi kaže stranačko zapošljavanje. Hoćeš da ti Beša nabroji jedno 20 s ote strane koji ste stranački zaposlili. Od pošti, od BH Telecoma, pa draga gospodo šta vi mislite, šta ćemo mi ovi...ko se voza de mi reci imenom ko ne zaradi platu. Vidim ja ko u koliko dolazi na posao i ko zaradiva platu i ko je na Budžetu i ko je. Nemojte tako molim vas. Ko vi med i mlijeko a ovamo je sve hamelj. I na interentu brate oglašavas se. Pa napiši ime i prezime, ko ne zasluživa platu, ko ne zaradi. Ti ko da si naš direktor pa ti sve znaš. Strašno matere mi ne mogu vjerovati kako čovjek izlazi s nekim stvarima. Ko ne zaradi, reci ga imenom i prezimenom a ja ću ti nabrojati s vaše strane od rodaka, djece, pa sve zapošljavate. Evo i sad kad vam se pruži prilika odmah ćete zaposliti. Mi ne trebamo raditi, naše porodice, mi trebamo ležati, krepavati. Kad je trebalo ratovati po ovim brdima hajde Beša prvi ide gore a kad treba dobiti neki posao. Za 730,00 KM Bešić Mustafa radi svaki dan dolazi na posao i vi sad nešto dižete. Kad je trebalo sa 18 godina Beša plače u rovu gore, granata mi kolegu pogodila, more Beša biti a ne more Beša biti ovdje. To ne može biti. Hajde Beša torbu uzmi idi ranjen po Hrvatskoj. Ne može, hoće i Beša ovdje kao i vi i borit ću se do zadnjeg. Dajete mi moral da se borim i nemam ništa protiv vas stvarno nemam ali nemojte bojan. Krenite prvi iz svoje kuće sve. Šta god radimo, svi iz kuće svoje trebamo krenuti. Mi ćemo zaposliti iz svoje kuće sve a neko ne mere ništa a naša djeca neka idu, neka se snalaze. Nemojte biti nerealni. Imamo pravo na život i na borbu.

Predsjedavajuća Svjetlana Zamboni: Hvala vijećniče Bešić. Replika ponovo, diskusija mora čekati na red.

Vijećnik Jasmin Begić: Meni je žao što ne vidimo direktora Komunalnog da na ova Bešina pitanja odgovori. Mislím da je pogrešna adresa na koju ste uputili pitanje. Ta pitanja trebali bi uputiti direktoru i da nam on ovdje odgovori. Direktora nema, ne znam da li ima iko iz Nadzornog odbora. Vežano za to ratovanje, to nije tema bila uopšte ove sjednice i svega toga. Mi svi smo ovdje dali doprinos ovoj državi. Nemojte nam to spočitavati. Ja Vas nisam vidio na Vozuđoj, na Ozrenu. Od države nisam ništa tražio i nisam ništa ni dobio. Tako da nismo se borili da bi naplatili nešto, da bi dobili posao. Borili smo se da demokratski pričamo i demokratskim raspravljamo.

Predsjedavajuća Svjetlana Zamboni: Replika Bešić.

Vijećnik Mustafa Bešić (replika): Ja ću se držati teme, ja uporno kažem nemoj mi nešto spočitavati kad nešto kažem. Nemoj mi nešto spočitavati kad iz kuće odavdje imate dvoje troje pojedinci zaposleno. Onda isturite neko reko a ovi vam šute. Recite i mi isto radimo. Volim svoje dijete smjestiti da mu je lijepo, da ne kisne, da je hladovina a ne hajdi ti Beša. Imam i ja sina bojan školovanu djecu a ti ako si bio na Vozuđoj i ja sam bio na Maglaju, na Žepču. Ti bio sad nešto faca ja nisam.

Predsjedavajuća Svjetlana Zamboni: Hajte da ne izlazimo iz okvira ove teme.

Vijećnik Mustafa Bešić: Nemojte mi spočitavati strašno je matere mi. Što vi glumite neke Bošnjake pojedinci a mi nismo ništa pojedinci. Ja vrijedim sigurno više nego pojedinac u našem selu 90 %, patriota. Svaki dan doprinesem za svoju zajednicu leđima. To ljudi znaju svi. Dodí da

vidiš u Domislicu kako je. Dođi da vidiš imaju ljudi, imaju živi svjedoci. Znači nema priče, najlakše se na priču samo de djelo da vidim. Ne mogu, hoće ljudi samo vi idite tamo a mi ćemo u hladovinu. Ne može došli smo i mi. Računajte na nas.

Predsjedavajuća Svjetlana Zamboni: Hajde da se držimo cijene vode. Vehabović.

Vijećnik Elvir Vehabović: Prvo da vas sve pozdravim i replika i izlaganje i sve zajedno, pa računajte kako hoćete. Ovdje izadoše ljudi i rekoše da je situacija u Komunalnom takva kakva je i ne može se dopustiti da se to više ide. Pa ljudi dragi 7 godina vi određuje pravila igre u tom društvu . zbog tih i takvih pravila i tih i takvih cijena koje ste vi nametnuli većina koja je na lijevoj strani pa i ja bio dio nje Komunalno u ovoj situaciji. Znači, kaže se nemojte sad igrati te socijalne priče, treba poskupiti vodu, pa što je niste poskupili do sada, što niste pratili. Baš ovaj zaključak od Aide Hadžić da se uradi neka analiza, sve do sada je bio ho ruk sistem. Ne treba ovo raditi, ne treba dirati ovo. Sad se došlo na ideju treba i došla voda do grla. Oprobani sistemi znači neuplaćivanja sredstava od strane Budžeta. Zavrni pipu, direktor ne zna raditi. Haj eno ga u minusu. To znamo, to su stare priče. Budžet usvaja Općinsko vijeće, zna se ko je zadužen za izvršavanje Budžeta, što ga on ne izvršava to iz nekih svojih ličnih pobuda, šta me briga ali on tim čini štetu svim građanima. Evo do čega je doveo Komunalno preduzeće. Da im se ne isplaćuje novac iz strane Budžeta i kaže ljudi sad u pitanju plate. Što ne utičete na cijene BH Telecoma i pošte, zato što ne možemo uticati na to. Na ovo možemo. Pa bit će 6 maraka kubik vode, bit će marka ali na ovo možemo i donosimo odluke. Na osnovu analize kad se uradi analiza donijet će se odluka. Nemojte vi meni raditi ovo, nemojte govoriti ovo. Ovdje su obrnute teze. Općinsko vijeće upravlja a neko treba drugi da sluša odluke Općinskog vijeća. Nije ovo ničije privatno pa da se kaže ja ovo, ja ono i na kraju što se tiče rada na poslu. Neka svako pogleda svoj ugovor o radu i šta mu piše u ugovoru o radu i šta mu je dužnost da radi. Ako ispunjava to iz ugovora o radu, onda zaradi svoju platu.

Predsjedavajuća Svjetlana Zamboni: Mamić, izvolite.

Vijećnik Pero Mamić: Prije svega ja vas sve pozdravljam i pokušat ću ja sad malo biti pametan. Moramo biti prije svega korektni, svi smo mi upravu. Svi mi dobro razumijemo situaciju i otprilike svi što smo rekli ovdje to na neki način je istina. Međutim mi zaboravljamo jednu najbrutalniju istinu koja nas je zadesila od 2019. godine pa na ovamo. Mi dvije godine nismo mogli praktički ni funkcionirati to je broj jedan. Broj dva svi se sjećate malo ću ispasti ovako banalan ali je istina. 2020. godine armaturna mreža 8x8 je bila 95,00 KM a danas je 218,00 KM. znači, moramo krenuti od te činjenice da je to bilo podnošljivo 2015. i 2016. godine pa sve do 2020. godine i cijena i rad i druge cijene su bile i troškovi života itd. Ja predlažem u interesu radnika, u interesu grada, u interesu nas svih ja stvarno imam najmanje pravo jedan od kojih imam najmanje pravo brinuti se za vodu u Maglaju, zato što ja stvarno nemam veze. Jedan stanovnik ove općine i u interesu mi je da budemo normalno svi zadovoljni. Svaki čovjek koji ima imalo razuma, hajmo probati relaksirati malo stvari. pokušat pomoći ljudima tim koji rade u Komunalnom. U principu i svima nama. Ako se bude okrivljavala jedna, druga, treća strana to je nebitno. U principu mi samo štetimo sami sebi a najviše tim ljudima koji rade za tu stvarno mizernu platu. Molim vas da probamo, ja sam napomenuo na početku sad sam ja pametan. Hajmo stvarno uozbiljiti se i svesti to na ovo što je predloženo da li može ili ne može, šta može a stvarno optuživati nekoga da je kriv za ovo. Moramo biti realni kažem vam, ponovo ću se vratiti samo sekundu na to, ogromna je razlika bila živjeti i raditi sa troškovima 2019.,2020., pa i 2021. godine pa i danas. Te činjenice moramo uzeti u obzir da je razlika u cijeni takva, da je sasvim prirodno i normalno tražiti to i što je moguće naći prije rješenje da budemo svi zadovoljni, hvala.

Predsjedavajuća Svjetlana Zamboni: Hvala lijepo. Da li ima još diskutantata? Bit će pauza na zahtjev predsjednika Kluba SDP-a a ne znam da li je neko iz službe finansija prisutan ovdje? Ja bih samo zamolila da mi iznesete činjenicu da li su iznosi iz ugovora sa Komunalnim javnim preduzećem i izmireni. Dok bude pauza ja vas molim da provjerite i iznesete nakon pauze. Nastavljamo s radom, evo prije ove pauze zamolila sam sam predstavnika službe da provjeri da li su obaveze prema Komunalnom javnom društvu izvršavaju u skladu sa ugovorom pa vas molim da samo prenesete svoja saznanja.

Nermin Bešliagić: Ja sam u pauzi na traženje predsjedavajuće provjerio informaciju, znači obaveze apsolutno se, obračun radova vrši i dijelom iznad onog što je u tom trenutku završeno a plaćanje u valutama kako je i predviđeno.

Predsjedavajuća Svjetlana Zamboni: Znači ugovori se poštuju i izmuruju se obaveze. Hvala lijepo. Nakon ove pauze predsjednik Kluba SDP-a izvolite.

Vijećnik Senad Šehić: Sve vas pozdravljam. Govorit ću u ime Kluba SDP-a i naših partnera. Dakle mi kao Klub SDP-a zajedno sa svojim partnerima podržavamo prijedlog o povećanju vode i kanalizacije koji je stigao u vidu materijala na današnju sjednicu. Želim da istaknem da mi nismo ni protiv prijedloga DF-a koji se tiče toga da se uradi sveobuhvatna analiza, da se iznađu neka bolja rješenja pa da se organizuje je li tematska sjednica u septembru ali nažalost dok mi ovdje raspravljamo Komunalno javno društvo vjerovatno trpi nove gubitke i ta agonija se i dalje produbljava. Od naše neke ovdje rasprave posebne Komunalno javno društvo i svi njegovi zaposlenici nemaju neku posebnu korist. Stoga vas molim da možda razmislite o tome da prihvatimo ovaj prijedlog o minimlanom povećanju cijene kao nekakvu privremenu mjeru dok ne organizujemo tu tematsku sjednicu i ne iznađemo neka bolja rješenja pa da bar na taj način je li ne produbljavamo dalje agoniju Komunalnog javnog društva. Na kraju krajeva i da ublažimo te gubitke koje kako sam ja nezvanično čuo na dnevnom nivou iznose preko 1000,00 KM. kako ne bi doveli ni građane u situaciju da u ljetnom periodu imamo redukciju vode a također i naravno što je najbitnije da i pomognemo samim radnicima. To je naš prijedlog. Hvala.

Predsjedavajuća Svjetlana Zamboni: Hvala Senade. Da li ima još diskutantata? Nema više diskutantata, dakle imamo prijedlog koji je došao iz službe vezan za povećanje vode. Imamo prijedlog gospođe Hadžić iz Kluba DF-a i imamo prijedlog koji je došao iz Kluba SDP-a i ovog Mješovitog kluba, pa eto idemo redom. Što se tiče samo prijedloga koji je došao u materijalu on se tiče samo i izričito poskupljenja vode sa ona tri prijedloga zaključaka koji su došli u materijalu, te prvo to stavljam na glasanje. Izvolite Maide. Ja sam očekivala da će biti možda pauza da pokušamo vidjeti da li možemo napraviti kompromisno rješenje kao Vijeće u smislu ovog korigovanog prijedloga koji je izašao iz SDP-a u smislu cijene vode i prijedloga koji je iznio DF.

Vijećnik Maid Suljaković: Po pitanju prijedloga koji je iznio predsjednik Kluba SDP-a smatram da prvo trebamo razmatrati prijedlog DF-a i gospođe Hadžić obzirom da je ona prva prezentovala po pitanju ove tačke Dnevnog reda, Klub SDA će podržati prijedlog DF-a a Odluku o privremenom poskupljenju koja ne vodi ničemu osim da samo ubacimo sredstva u budžet Komunalnog rekli smo neka se sredstva ubace iz Budžeta Općine Maglaj i mislim da smo svi vijećnici saglasni po tom pitanju. Na taj način nećemo dovesti građane i da ne prijetimo ovdje građanima da neće imati vodu. Mi smo tu kao vijećnici dužni da se brinemo o njima i o našim javnim preduzećima. Tako da ćemo podržati ovaj prijedlog a prijedlog koji je došao u materijalu nećemo podržati.

Predsjedavajuća Svjetlana Zamboni: Maide, imate li možda prijedlog odakle ta sredstva da se prebace Komunalnog, odakle iz Budžeta?

Vijećnik Maid Suljaković: Imam prijedlog obzirom da smo svi saglasni predlažem da se iz budžetske rezervne izdvoje sredstva evo koliko će se prikupiti povećanjem cijene vode da se izdvoje taj obim sredstava do u narednih 3 mjeseca.

Predsjedavajuća Svjetlana Zamboni: Znamo koliko iznosi budžetska rezerva. Hvala Bešić.

Vijećnik Mustafa Bešić: Pošto sam dobro upućen znači mjesečni gubitak Komunalnog javnog društva je 35-40 hiljada maraka, ako znamo da budžetska rezerva iznosi 50.000,00 maraka imamo tromjesečni, gdje gospođa Aida predlaže da to bude nekad u septembru pa vi sada skontajte koliko je to para i odakle ćemo namaketi ostala sredstva. Mislim da ne može budžetska rezerva ne može da ide kompletna, moraju se uvijek neka sredstva ostaviti, ne daj Bože da se nešto desi da treba hitno intervenisati. Ja vam još jednom podvlačim da shvatite ozbiljnost. Znači mjesečno 35-40 hiljada maraka treba i molimo vas da shvatite ozbiljno. Hvala.

Predsjedavajuća Svjetlana Zamboni: Mešić.

Vijećnik Mirza Mešić: Vezano samo kolegi Bešiću za ovo što je, rečeno je tamo do 30.09. nije rečeno 30.09. znači rok može biti i prije, može biti i u osmom mjesecu i u sedmom. Znači, kad se pripremi.

Predsjedavajuća Svjetlana Zamboni: Replika izvolite.

Vijećnik Mustafa Bešić (replika): Nešto sam zaboravio što mi je promaklo. Komunalno javno društvo ima znači tromjesečje. Nama ide sada u ovom mjesecu popis vode za tromjesečje i mi smo planirali da se uklopi s tim povećanjem da se to odmah dobije neka i sredstva za naredni kvartal. Pošto je u četvrt kvaratala u tromjesečju ide. Toliko, hvala.

Predsjedavajuća Svjetlana Zamboni: Prvo se javio Vaš predsjednik Kluba pa onda Vi Begiću. Ako ćete o prijedlozima nema razloga, znam kojim redom ide.

Vijećnik Maid Suljaković: Ima razloga, obzirom da sam tražio da se glasa po pitanju prijedloga gospođe Hadžić, tako stoji u Poslovniku. Vijećnici koji su prisutni, a ne glasaju smatraju se uzdržanim. Stav 4. Prvo se glasa o pojedinačnom prijedlogu vijećnika ili Kluba vijećnika onim redoslijedom koji su prijedlozi izneseni.

Predsjedavajuća Svjetlana Zamboni: To znam.

Vijećnik Maid Suljaković: Vi ste predsjedavajuća iznijeli da se glasa prvo o prijedlogu koji je došao u materijalima i zbog toga sam dužan da se izjasnim na tu temu. Kada je u pitanju stav iznesenog gospodina Bešića ne možemo mi gospodine Bešiću naplaćivati retroaktivno ljudima vodu koju su potrošili.

Predsjedavajuća Svjetlana Zamboni: Ispravio se.

Vijećnik Maid Suljaković: On je rekao da već žele da uračunaju sad kad budu računali, jesam upravu gospodine Bešić?

Predsjedavajuća Svjetlana Zamboni: Ne nego za naredni kvartal.

Vijećnik Maid Suljaković: To ste vi rekli predsjedavajuća.

Predsjedavajuća Svjetlana Zamboni: Reagovala sam na njegovu izjavu.

Vijećnik Maid Suljaković: Pa ne možete vi dopunjavati izjavu drugog vijećnika, osim ako ste u njegovoj glavi pa ste vidjeli šta želi da kaže. Beša je rekao da želi da ukalkulišu ovo povećanje sada kada budu računali utrošak od predhodnog tromjesečja i da na taj način dobiju povećanje sredstava. Jasno je to izrekao ovdje. Eto.

Predsjedavajuća Svjetlana Zamboni: Hvala Vam lijepo, Begić.

Vijećnik Jasmin Begić: Ovo se dešava kada direktori koje je aktuelna vlast imenovala ne dolaze na Izvještaje kad se raspravlja o njihovim firmama. Pa mi imamo sad paušalne ocjene ovdje uposlenika Komunalnog. Meni finansijski izještaj govori da je Komunalno javno društvo poslovalo u minusu 465.000,00 s tim da taj minus nije finansijske prirode nego efektivne. Znači, od otpisa dugovanja i amortizacije. Znači, Komunalno nije u finansijskoj krizi da plate ne može isplaćivati. Ove paušalne ocjene mjesečno se gubi 30-40 hiljada, to bih ja volio samo da dobijemo u materijalu i da razmatramo. Praksa mora biti ako biti ako raspravljamo o javnim ustanovama da direktori budu javnih ustanova i da nam oni jasno odgovaraju na pitanja. Mi se sigurno na ovoj tački ne bi toliko zadržali da imamo direktora da nam odgovara na ova pitanja. Ja vam garantujem da bi izhod glasanja bio drugačiji, ali je to praksa aktuelne vlasti da nikad mi nismo ovdje imali direktore neke koji su izuzev Doma zdravlja ja mislim da su nam došli i odgovorili direktno oči u oči na pitanja. Pitanja sam dostavio do sada milion raznim javnim ustanovama. Nisam dobivao nikad odgovore ni pismeno ni usmeno. Praksa bi morala biti predsjedavajuća da ih prinudimo da dolaze na ove sjednice da ne baratamo paušalnim informacijama i svim tim, nego da dolaze ljudi i da nam odgovaraju na ta pitanja. Možda je istina ovo što Beša kaže ali mi to ne znamo. Ja imam drugi izvještaj, znači imam finansijski izvještaj koji kaže da nema finansijskih problema Komunalno. Da je minus proizveden amortizacijom otpisom dugovanja. Toliko.

Predsjedavajuća Svjetlana Zamboni: Hvala lijepo. Da li ima još diskutacija? Pauza Klub SDP-a. Nastavljamo s radom. Evo nakon pauze ukoliko nema više diskutacija ja bih zaključila raspravu i redoslijedom kako su izneseni prijedloge stavila na glasanje. Pošto ne mogu ponovo sve decidno prijedlozi DF-a odnosno vijećnice Hadžić ko je za?

Glasalo za: Aida Bašić (NES), Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bežić, Eldis Kusur, Edin Osmić (SDA), Mirza Mešić (samostalni vijećnik).

Glasalo protiv: Nema.

Uzdržanih: Svjetlana Zamboni, Elvir Arnautović, Jasmin Đuhara, Arif Mujkanović, Almin Smailović, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH).

Drugi prijedlog bio je iz Kluba SDP-a dakle poskupljenje. Rekla sam 13 za, 11 uzdržanih. Dozvolite da iznesem prijedlog pošto sadrži i ovaj dio. Nije suportan u prijedlogu. Sljedeći prijedlog bio je prijedlog SDP-a a to je prelazno rješenje za poskupljenje u prijedlogu i prijedlozi DF-a u setu. Ko je za ? molim vas izjasnite se. Zašto ne može? Nije dijametralno suprotno, nije suportan prijedlog. Maide, izadite rekao Vam je Begić.

Vijećnik Maid Suljaković: Hvala Begiću što si mi dozvolio da izadem, obzirom da predsjedavajuća se poigrava ovdje, predlaže neke prijedloge koje apsolutno niko nije ni sastavio, ni rastavio. Ja zaista ne vidim kakav je ovo igrarija. Nemojte se poigravati sa vijećnicima, jasno su definisani stavovi, prijedlozi gospode Aide iz DF-a, jasno prijedlozi iz SDP-, to su razdvojeni prijedlozi, tako da obzirom da smo usvojili prijedloge DF-a ova tačka se vraća na doradu i nema glasanja dalje.

Predsjedavajuća Svjetlana Zamboni: Ja se ne slažem s vama, možemo tražiti i tumačenje službe. Dok služba ne protumači, evo sačekat ćemo opet pauza, tehnička ovaj puta. Nastavak s radom, prije glasanja pauza na zahtjev Kluba SDA. Prije toga ja ću pojasniti pošto očito je došlo do nekih nesuglasica. Evo uz suglasnost predsjednika Kluba SDP-a, prijedlog iz Kluba SDP-a je došao da se podrži privremeno poskupljenje vode i podrže zaključci DF-a vezani za analize i donošenje određenih odluka naravno izostavljajući prvi zaključak da se vraća materijal na doradu. Znači, o tome se radi i mislim da je sada jasnije. Molim vas služba nam je protumačila Poslovnik dozvolite da mi u rukovodstvu imamo pravo da rukovodimo sjednicom. Dopredsjedavajuća je suglasna, da iznesemo prijedloge na glasanje. Prema tome nas dvije rukovodimo sjednicom. Služba je pročitala iz Poslovnika kako to slijedi. Na zahtjev predsjednika Kluba SDA pauza. Maide, hoćete li nakon pauze. Izvolite Begić.

Vijećnik Jasmin Begić: Imali smo jedinstven slučaj do sada, ja to nisam nikako na ovom Vijeću imao priliku ni da čujem ni da vidim da se miksaju zaključci i da se donose takve Odluke. Pošto je ovo prvi put i nisam ne znam ustvari po Poslovniku vidim da ne smije. Ja pozivam službu da nam objasni da li je moguće od 2 zaključka napraviti jedan po kojem smo mi već dali glas svoj. Tako da stvarno pozivam šefa službe ili nekog da nam to objasni, da li se mogu miksati zaključci i prijedlozi po kojim se glasa.

Predsjedavajuća Svjetlana Zamboni: Javljam se za riječ.

Vijećnica Svjetlana Zamboni: U dosadašnjoj praksi makar evo koliko ja učestvujem u radu Općinskog vijeća Maglaja treći mi je mandat diskusije se vode kako bi se posložili rekla bih prijedlozi zaključaka i ovo ne bi bio niti prvi a vjerovatno niti posljedni puta gdje vijećnici iz različitih diskusija dolaze do određenih prijedloga zaključaka pokušavajući donijeti kompromisno rješenje odnosno rješenje koje će možda biti i najbolje za građane naše općine. To se desilo i u ovom slučaju dakle gdje su izneseni određeni stavovi, gdje imamo materijale, gdje imamo stavove sa evo ako hoćete i sa jedne i sa druge strane. Dakle ovo je pokušaj donošenja kompromisnog rješenja, neosporavajući prijedloge DF-a osim ovog prvog prijedloga zaključka da s ematerijal vrati na doradu. To sam i naglasila kad sam ponovila dakle da se ide u privremeno rješenje poštujući sve ove Odluke koje smatrate i analize da treba donijeti i da u konačnici dodemo. Izhod glasanja će biti kakav će biti, mi ćemo glasati ali hoću da kažem da ovo nije prvi niti posljedni put. Zato i diskutujemo, nećemo doći dakle u situaciju da dolazimo na sjednice sa utvrđenim stavovima bez da znamo šta će nam služba ili drugi vijećnici iznijeti kao stav. Valjda je korektno od nas kao vijećnika da poštujuemo i slušamo jedni druge. Možda nekad ne uzmemo sve u obzir, pa ne sagledamo kompletnu sliku ili je makar ne gledamo iz istog ugla. Zato službi 25 vijećnika da svako iznese svoje mišljenje i da pokušamo donijeti najbolje moguće rješenje za naše građane.

Dopredsjedavajuća Aida Bašić: Hvala predsjedavajuća. Gospodin Vehabović izvolite.

Predsjedavajuća Svjetlana Zamboni: Dala sam ti odgovor. Ne ja sam ti navela kakva je praksa bila do sada. Ja ne razgovaram tako, nisam naučena.

Vijećnik Elvir Vehabović: Predsjedavajuća, mogu li ja doći do riječi.

Predsjedavajuća Svjetlana Zamboni: Izvolite vijećnik Vehabović.

Vijećnik Elvir Vehabović: Znači, odluke se donose većinom, ne kompromisom. Nema potrebe za kompromisom ako postoji većina. Tako je bila do sada praksa. Ja bih volio samo da mi kažete ko je iznio taj vaš prijedlog koji ste vi pročitali jer gospodin Senad Šehić ga nije iznio. Gospodin Senad Šehić je rekao svoj i rekao da se on donekle slaže ali dio njegovog prijedloga uopšte nisu bili ovi zaključci. Nemojte više manipulacija kojekakvih gospodin Senad Šehić ne zna ko ni ja ovaj koji su prijedlozi DF-a dok mi se ne pročitaju. On je samo dao prijedlog da ide povećanje cijena uz uvažavanje prijedloga. Nije dio prijedloga Senada Šehića bio stav DF-a. Nemojte znači, prošao je DF. Ovo nije bio prijedlog Senada Šehića, on može izaći i potvrditi to. Nemojte manipulirati više za ovom govornicom.

Predsjedavajuća Svjetlana Zamboni: Senade, hoćete li Vi nešto reći ili... Begiću je replika?

Vijećnik Jasmin Begić: Još jednom ja pozivam službu da mi da profesionalni odgovor i odgovor za koji su plaćeni a ne da nam neki diplomirani profesori engleskog ovdje objašnjavaju kako mi trebamo raditi. Pozivam još jednom službu da nas uputi i da nam kaže da li se mogu miksat prijedlozi i zaključci.

Predsjedavajuća Svjetlana Zamboni: Pojedini profesori engleskog će govoriti u svoje ime, služba će dati naravno odgovor jer je prozvana. Senade, jeste se Vi javljali ne? Služba?

Uma Isić: Selamim i pozdravljam prisutne. Što se tiče sadržaja zaključaka jako je važno da predlagači po mom mišljenju, zaključaka budu precizni prilikom podnošenja svojih prijedloga. Što se tiče načina glasanja on je propisan članom 89. Poslovnika i glasi: „ Glasanje je javno osim ako Statuom ili ovim Poslovníkom nije drugačije određeno i vrši se dizanjem ruke, odnosno glasačkog kartona. Vijećnici glasaju tako da se izjašnjavaju za prijedlog, protiv prijedloga ili kao uzdržani u odnosu na prijedlog. Vijećnici koji su prisutni na sjednici na glasaju smatraju se uzdržanim u odnosu na prijedlog. Prvo se glasa o pojedinačnom prijedlogu vijećnika ili Kluba vijećnika onim redosljedom kako su prijedlozi izneseni. Pojedinačni prijedlog ili prijedlog Kluba vijećnika koji dobije potreban broj glasova postaje sastavni dio prijedloga predlagača. Po završetku glasanja, predsjedavajući utvrđuje i objavljuje rezultate glasanja a zatim konstatuje da li je prijedlog o kome se glasao prihvaćen ili odbijen. Dakle ovdje je postojao prijedlog predlagača, postojali su prijedlozi koji su redosljedom iznošeni. Koliko se ja sjećam vijećnice Hadžić, onda prijedlog Kluba vijećnika SDA itd. Ja ću zamoliti svakako i pomoć rukovodstva vijeća koje će o tome donijeti konačnu odluku, postupanju po ovom članu a to je izjašnjavanje po prijedlozima onim redosljedom koji su doneseni i uz napomenu da se prijedlozi zaista jasno utvrde od strane vijećnika ili Kluba vijećnika koji predlaže da to ne bude nekih mikseva itd.

Predsjedavajuća Svjetlana Zamboni: Hvala najljepša.

Vijećnik Elvir Vehabović: Može li neko predložiti u ime nekoga prijedlog koji nije postojao?

Uma Isić: U ime nekoga može se napraviti, dozvolit ću sebi da kažem greška prilikom predlaganja i sumiranja ali ukoliko prijedlog nije iznesen na način kako je interpretiran i ja znam da vodit sjednicu nije baš lako. Ukoliko ne održava stvarno stanje Kluba, onda je uredu da se odmah reaguje i zaključak definiše kako treba.

Predsjedavajuća Svjetlana Zamboni: U tom smislu zamolila bih samo predsjednika Kluba SDP-a da decidno formuliše prijedlog zaključka koji je iznesen...molim vas...dakle šefica službe je rekla da će rukovodstvo utvrditi način na koji će slijediti nastavak izjašnjavanja po iznesenim prijedlozima, kako ne bi bilo sumnje u to kako glasi prijedlog zaključka jer je i šefica naglasila da mora biti decidno formulisan i da li je održavao ili nije odražava stav Kluba. Pauza naravno na Vaš zahtjev i da ponovite prijedlog zaključka prije nego se izjansimo o njemu ali da bude decidno formulisan, da ne bi bilo interpretacija onoga što se kazali. Eto, hvala vam. Na ovim tehničkim konsultacijama koje smo imali dopredsjedavajuća i ja, sa predsjednikom Kluba SDP-a , Senade ja

bih Vas zamolila još jednom, da sad bude decidno i sasvim jasno. Mislim da će biti svim vijećnicima sasvim jasno.

Vijećnik Senad Šehić: Ako izuzmemo ovaj dio diskusije gdje sam ja govorio da je ovo posljedni vapaj u ovom momentu i da dok mi raspravljamo da Komunalno javno društvo trpi i dalje gubitke itd. u početku sam ovako formulisao i može se to i provjeriti. Dakle, podržavamo prijedlog o povećanju vode i kanalizacije koji je stigao u vidu materijala i naglasio sam da nismo ni protiv prijedloga DF-a da se uradi sveobuhvatna analiza i iznadu bolja rješenja, u smislu da možda ćemo doći i do boljih rješenja ali u ovom momentu mi podržavamo ovaj prijedlog koji je stigao ali evo i u slučaju dakle i ovog prijedloga DF-a da se uradi bolja analiza, možda dodemo i do nekih i boljih rješenja. Ja sam tako i prošli put rekao. To je to.

Predsjedavajuća Svjetlana Zamboni: Maide, izvolite.

Vijećnik Maid Suljaković: Kolega Šehić je rekao ovako kako je i sada iznio stav, s tim da je kolega i Begić izjašnjavao se da podržava se stavove DF-a pa to nije ušlo u njegov prijedlog. Jedno je stvar da daje podršku a druga stvar da želi da u njegovom prijedlogu bude definisano. Tako da je ostao prijedlog taj da se prihvati ovo uz neke pozitivne afinitete prema tom prijedlogu. To nije bio prijedlog jasno i koncizno definisan.

Predsjedavajuća Svjetlana Zamboni: Dobro, ja prihvatam da možda u mom iznošenju ili preformulaciji prijedloga koji je iznesen od strane SDP-a da sam ja napravila pogrešku ali ovo se tiče samo poskupljenja vode je li tako? Možemo li sada na izjašnjanje o ovome drugom prijedlogu a to je da se podrži prijedlog koji je došao vezano za poskupljenje vode. Ko je za ?

Glasalo za: Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH).

Glasalo protiv: Nema.

Uzdržanih: Aida Bašić (NES), Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bežić, Eldis Kusur, Edin Osmić (SDA), Mirza Mešić (samostalni vijećnik).

Hvala najljepša, 13 uzdržanih i 11 za. Konstatujemo da je prijedlog koji je došao iz DF-a sve onim redosljedom kako ste i pročitali dobio potrebnu većinu.

ZAKLJUČAK

2.1. Da se Odluka o davanju saglasnosti na Odluku Nadzornog odbora Komunalnog javnog društva d.o.o. Maglaj o izmjeni Odluke o cijeni vode i odvodnji kanalizacije vrati na doradu i da se zakaže tematska sjednica do 30.09.2023. godine;

2.2. Da se do 30.09.2023. godine donesu odluke o tarifnom sistemu pružanja komunalnih usluga i odluka o standardima pružanja komunalnih usluga u skladu sa Zakonom o komunalnim djelatnostima;

2.3. Da se do 30.09.2023. godine sačini analiza stanja sa detaljnim prijedlogom plana sanacije i finansijske konsolidacije KJD doo Maglaj po svim djelatnostima za period od 3 godine, što je i zakonski plan i razmatra na Općinskom vijeću Maglaj do navedenog datuma;

2.4. Zadužuje se Nadzorni odbor KJD doo Maglaj da preduzme sve mjere i radnje koje se odnose na eventualne aktivnosti vezane za novo zapošljavanje ili da se „zalede“ do 30.09.2023.

godine ukoliko je bilo u planu novo zapošljavanje, osim ako je to neodložno zbog obavljanja neophodnih tehnoloških procesa;

2.5. Da se naloži Upravi društva da sačini plan unutrašnje racionalizacije materijalnih i kadrovskih resursa;

2.6. Zadužuje se Nadzorni odbor da dostavi polugodišnji finansijski izvještaj o poslovanju, zaključno sa 30.06.2023. godine, a kako bi se izvještaj mogao razmatrati na tematskoj sjednici do 30.09.2023. godine.

AD – 3:a) Izvještaj o radu Javne ustanove Dom kulture Maglaj za 2022. godinu
b) Program rada Javne ustanove Dom kulture Maglaj za 2023. godinu

Predsjedavajuća Svjetlana Zamboni: Prelazimo na narednu tačku Dnevnog reda i zahvaljujem se predstavnicima ustanova na strpljenju. Tačka tri Izvještaj o radu JU Dom kulture Maglaj i pod b) Program rada JU Dom kulture Maglaj. Ukoliko tako želite možemo diskutovati i o jednom i o drugom ili ćete odmah odvajati Izvještaj od Programa ili ćete iznositi stavove za svaki posebno. Kako god želite. Bilježit će se vaša izlaganja i za a i b pa ćemo onda glasati odvojeno svakako. Otvaram raspravu. Izvolite Salatović.

Vijećnik Edin Salatović: I ja vas sve selamim i pozdravljam, pa ću u ime Kluba SDA iznijeti nekoliko pitanja vezano za ovaj Izvještaj o radu. Pošto je otvorenje festivala Studentsko ljeto zvanično bilo 16.96.2023. godine interesuje nas na koji način se isti finansira ako je svima poznato da Općina ovaj festival ne može sama isfinansirati i da li Dom kulture ima finansijsku korist od ove manifestacije. Drugo pitanje, u Izvještaju stoji da kino oprema nije bila u funkciji pa nas zanima koji su razlozi nekorisćenja ove opreme, ko je odgovoran za to i je li u pitanju viša sila ili nestručno rukovanje ovom skupocjenom opremom. Ponovo postavljam pitanje po čijem je nalogu izvršena izmjena sistematizacije u dijelu uslova za stručnu spremu direktora ustanove kao i da li radnici ispunjavaju uslove po stručnoj spremi za poslove koje obavljaju. Kako je moguće da je v.d.direktora ustanove imenovan a u isto vrijeme bio i član Upravnog odbora i tek nakon mjesec dana je razriješen dužnosti člana Upravnog odbora. Koji su razlozi da se u periodu od 3 godine zamijene četiri direktora ustanove. Smatramo da su te promjene jako loše za funkcionisanje ustanove. Koliko je novozaposlenih radnika u ustanovi u posljednje tri godine i po kojem osnovu su primani u radni odnos. Želim o istaći da podržavamo prijedlog da se ustanovi pomogne u pogledu nabavke toplotne pumpe da bi se poboljšali uslovi za rad. Hvala.

Predsjedavajuća Svjetlana Zamboni: Hvala Vam. Izvolite Abdurahmanović.

Vijećnik Adis Abdurahmanović: Ja ću se samo nadovezati na kolegu Salatovića. Mi ispred Kluba vijećnika želimo istaći da podržavamo prijedlog da se ustanovi pomogne u pogledu toplotne pumpe kako bi se poboljšali uslovi za rad ustanove. Koliko smo upućeni to je nekih 15.000,00 KM. sljedeće pitanje je koji je razlog zbog kojeg je poslovni prostor tamo bivši klub Winnera ne radi. Da li za to postoje neki razlozi kad se zna da bi se od iznajmljivanja mogli ostaviti značajni prihodi za Dom kulture. Finansijski izvještaj je jako oskudno urađen i kad bi se gledali prihodi koji su 410.328,00 a razhodi 206.724,00 KM dođe se do cifre od 203.604,00 KM viška, odnosno svima nam je poznato da Dom kulture ne stoji baš tako dobro, naprotiv.

Predsjedavajuća Svjetlana Zamboni: Hvala Vam. Da li ima još diskutovanja, izvolite vijećnica Hadžić.

Vijećnica Aida Hadžić: Evo ovako i mi želimo da iznesemo par primjedbi. Izvještaj je po našem mišljenju prilično siromašan i iz njega se ne može zaključiti kakvo je stanje sa imovinom, pitanjem vlasničkih odnosa, zemljišta. Nema preciznih i uporednih pokazatelja o vrstama prihoda i razhoda, po oblastima djelatnosti Doma kulture. Finansijski plan Upravnog odbora također ne postoji znači, opet možemo uzeti u obzir i da je direktor poprilično nov i da sve što je kolega maloprije rekao stalne ove smjene direktora da zaista mogu uticati malo i na ovaj Izvještaj ali evo možda je neka kritika da Izvještaj u budućem periodu bude precizniji i kvalitetniji.

Predsjedavajuća Svjetlana Zamboni: Hvala. Čini se da nema više diskutovanja, pa evo pozvala bih predstavnika Upravnog odbora ustanove ili samoga direktora kako želite da da pojašnjenje.

Josip Antunović: Dobar dan, ovim putem vas sve pozdravljam. Što se tiče Izvještaja za 2022. godinu, znači ja nisam tada bio direktor. Ja sam od 20.02.2023. godine. Sva pitanja i sve što vas zanima iznijet će član Upravnog odbora, Jasmin Bilić. Hvala lijepa.

Predsjedavajuća Svjetlana Zamboni: Hvala lijepa, izvolite gospodin Bilić. Nadam se da ste uspjeli popisati pitanja koja su iznesena.

Vijećnik Jasmin Bilić: Dobar dan, prvo pitanje je bilo Studentsko ljeto, finansiranje i da li Dom kulture ima koristi vezano od Studentskog ljeta. Do 2016. godine Dom kulture je bio organizator

manifestacije, od 2016. godine Općina je preuzela organizaciju tog festivala a mi smo suorganizatori. Sva pravna dešavanja koja se tiču ugovora, nabavke sve vezano za tu manifestaciju Studentsko ljeto idu preko Doma kulture. Mi ako institucija znači kojoj je u sastavu njenog poslovanja sama manifestacija kulturna dešavanja to je jedini cilj koji bi trebao da bude organizacija. Na osnovu toga ustanova preuzela je sve ove suorganizatorske poslove. Zarade od festivala nema, karte ne mogu pokriti. Može se u nekom doglednom vremenu dostaviti evo gospođa Zamboni je bila naša direktorica, neke zarade od tog festivala nema ali zarada je ta što mi promoviramo tu kulturu, promoviramo mlade umjetnike, ljude koji dolaze u posjetu gradu. Ov je brend koji traje 51 godinu. Jedno od drugih pitanja je bilo kino oprema. 2019. godine ta oprema je bila van funkcije, razlog toga je što je lampa koja je jedan od glavnih dijelova te opreme pregorila. Mi nismo imali dovoljno sredstava da bi se ta oprema servisirala. U tome je došao korona virus i mi smo od ovlaštenog serviseru koji je iz Zagreba, koji su montirali tu opremu tražili da servisira opremu. To više nije bila samo lampa nego i server koji je bio negdje oko cirka 10.000 maraka i onda su nam rekli da čekanje rezervnih dijelova koje je do tada bilo oko mesec do mjesec i po, čeka po nekih godinu i više. To smo uradili. Oprema je ponovo stavljena u funkciju i evo sami znate da je kino ponovo u funkciji. S tim, znači da trebalo bi svake godine vršiti servis tog aparata međutim mi trenutno nemamo sredstava za to. Izmjena sistematizacije za direktora je li tako bilo pitanje, zadnja izmjena sistematizacije je bila 2020. Godine ako se ja ne varam i to je bilo u pitanju prije izbora novog direktora po odlasku gospođe Zamboni. Tada je izvršena izmjena sistematizacije, do tada je bilo da direktor treba ispunjavati stručnu spremu društvenog smjera, najmanje 240 ECTS bodova ili VII stepen stručne spremlje. Izmjena je još bila vezano za blagajnika/likvidatora gdje je došlo da se samo stavlja samo još pored ekonomskog smjera da može bilo koja druga tehnička škola. Četiri direktora u tri godine, vjerujte mi jeste bilo je tako. Razlozi koji su ja to ne znam. Jednostavno evo ima tu i naša biša direktorica, bio je gospodin Dragomir pa je bio v.d. direktor i onda smo izabrali novog direktora. Ja bih samo ponovo ovdje rekao kao što je rekao direktor on je od 2023. godine Izvještaj o radu je predsjednik Upravnog odbora potpisao. Zaposleni u stanovi, imamo trenutno 11 zaposlenih a u zadnje tri godine primljeno je 5 ljudi. Poslovni prostor Winner zašto ne radi, mi smo od njega svaki mjesec primali nekih 2.300,00 maraka i ne bih ulazio u to sad šta je razlog. Znam da smo unazad tih nekih 6-7 godina izračunajte 2.300 puta toliko mjeseci. To je to. 206.000,00 maraka viška, evo ovako vi ste dobili u materijalima prihodi su toliki, vlastiti toliki. Vlastiti prihodi Doma kulture su iznajmljivanje dvorane školama, kino, prihodi od teretane, rekreacije i drugih izdavanja prostora. Imamo i inspekcije koje nam isto plaćaju kiriju, to je nekih 154.970,00 maraka. Prihodi od Budžeta Općine, Kantona i Federacije iznose 261.079,00. Tu spadaju redovne tranše od Općine, projekti za Studentsko ljeto, tu su svi mogući ugovori koji se potpisuju sa autorima, izvođačima, orkestrima, bini, rasvjeti itd. isto tako imamo znači i prihode od Malog ljeta, to su tranše koje dobivamo od Općine. Imamo izdavanje od pozorišnih predstava i nekih drugih stvari. Razhodi su 410.328,00 KM, plaće i nakande zaposlenih 188.290,00, doprinosi poslodavca 15.314,00 a 206.724,00 su izdaci za materijal, sitni inventar i ostale usluge. Ugovorene druge posebne usluge to je vezano sa festival, to 130.735,00 KM, izdaci osiguranja bankarskih usluga i usluga platnog prometa su 1.751,00 KM. izdaci za tekuće održavanje su 4.842,00 KM, unajmljivanje imovine, opreme i nematerijalne imovine 7.948,00 KM, za usluge, izdaci goriva, usluge za struju su 13.351,00 KM, putni troškovi su 1.530,00 KM. Komunalne naknade su 39.970,00 KM. Mi smo poslovali sa viškom prihoda nad razhodima u iznosu od 5.721,00 KM. ako imate još pitanja, tu sam.

Predsjedavajuća Svjetlana Zamboni: Govornica molim Vas.

Vijećnik Arif Mujkanović: Hoćete mi samo reći molim vas je li vam neko slučajno tražio i interesovao se za prostor W inner kluba i zašto nije u funkciji.

Jasmin Bilić: Načelnik općine je nakon izlaska ovih ljudi koji su koristili taj prostor, on se stavio na raspolaganje i sebe stavio u funkciju, bila je i biša direktorica ako se ne varam da se iznade neko ko bi sufinsirao to jeste. Taj prostor za njegovu ponovo dovođenje u funkciju treba nekih 100.000,00 KM. znači išlo se ka tome da li da se taj prostor stavi u neke manje, da se napravi DM,

CM, nešto sportska oprema. Međutim znam da je bilo cirkularno pismo, da je bilo poslano ali nikad ništa.

Predsjedavajuća Svjetlana Zamboni: Izvolite Begić.

Vijećnik Jamsin Begić: Ja imam drugu informaciju i bio sam uključen u taj projekat, djelimično kao asistent da pomognem tim ljudima koji su htjeli taj prostor da iznajme. Tada je direktor bio Dragomir Dunder, bili su na 2-3 razgovora i njima je rečeno da mora da se raspiše javni poziv za to. Pristali su i na to, znajući da je procedura ta, da se raspiše i sve to. Da se treba čekati 3-4 mjeseca i ljudi su pristali na to. Dolazili su poslije toga i telefonom zvali tog direktora da se raspiše to, da su spremni sve finansirati, naravno da se napravi ugovor taj o svemu tome. Međutim nikad taj poziv nije raspisan i tako da su ti momci odustali a bili su stvarno zagrijani uložiti više stotina hiljada maraka. Da li je to istina?

Jasmin Bilić: Gospodine Begiću, ja prvi put čujem za to, vjerujte mi. To stoji kako stoji. Prostor je sada renoviran, stavljen je lim gore i stavljeni su stakleni portal i a za to prvi put čujem stvarno.

Predsjedavajuća Svjetlana Zamboni: Kusur.

Vijećnik Eldis Kusur: Da ne bi bilo nedorečeno, kolega Jasmin i ja smo zajedno učestvovali u ovom. Ja sam povezao direktora sa tim ljudima, zato što sam ja s Dragomirom privatno dobar prijatelj. Ja sam ga povezao sa tim momcima, koji su obavljali razgovore, sad ako bivši direktor nije upoznao Upravni odbor i momci su zaista prenijeli da se mora raspisati taj poziv. Momci su bili zainteresovani zaista da taj prostor adaptiraju sa tom namjenom koja bi trebala da bude. Meni je žao što je propušten takav projekat ali eto nadam se da u skorije vrijeme da će biti bolje a pošto sam izašao prvi put po ovoj tački, zaista JU Dom kulture po ovim pokazateljima i materijalu koji smo dobili, zaista je u teškoj situaciji. Ako vijećnik apelujem na općinsku strukturu da se ovoj ustanovi pomogne. Ja sam ako se sjećate u koroni dok smo imali sjednicu u kinu isto govorio. Sad što su oni u materijalu iznijeli ove probleme tipa toplotne pumpe, nije niko primjetio da tamo piše da imaju i slabu struju, da treba pojačati i energiju. Ja sam to iznio do sada evo treća godina nije pomaketo s mrtve tačke. Naravno kao što je rekao i član Upravnog odbora i zaposlenik Jamsin Bilić, da je ustanova u teškoj situaciji, da ne može sama da to finansira. Ovim putem pozivam sve one koji su odgovorni da se ovoj ustanovi i pomogne i da nam ustanova ostane likvidna i da radi svoj posao za koji je namjenjena.

Predsjedavajuća Svjetlana Zamboni: Hvala najljepša. Da li ima neko da mu nije odgovoreno, da li ima još diskutacija. U okviru ove diskusije nisu izneseni stavovi po pitanju Izvještaja i Programa rada. Ja bih..izvolite Jašiću, za riječ se javljate, pa pitam ima li još neko, hajte izvolite.

Vijećnik Safet Jašić: Selamim i pozdravljam sve prisutne i malo sam okasnio da se prijavim za diskusiju. Očigledno je da stanje u ustanovi je izuzetno teško, svi to vidimo a zašto je tako postoji niz razloga. Ja ću malo samo se dotaknuti nekih razloga, a neka služi na čast onome ko je ovako radio. Znači, jedan od razloga je bio i jeste imenovanje direktora, ne može se organizacija i sistematizacija radnih mjesta raditi 15 dana prije konkursa, da bi se imenovao pođban a ne sposoban direktor. To je krenulo u proteklom mandatu i Vijeća i ustanove. To se tako radilo. 15 dana podatak ima ako bude ranije ja ću se izvinuti svima. Na 15 dana prije imenovanja direktora razriješana je gospođa koja je bila, imenovan je direktor, tamo je stajalo VSS društvenog smjera i onda je promijenjeno da može biti direktor iz svake branše. Ja bih još postavio jedno pitanje kad je gospodin Bilić tu raspoložen da odgovara, šta je sa onim silnim najavama proširenja djelatnosti ustanove i gromoglasna najava kako će to procvjetati, kako će biti zapošljavanja na osnovu toga. Programi razni koji su u proteklom mandatu izneseni od strane vladajuće koalicije. Vidimo da Dom kulture svaki dan tone sve dublje i dublje. Struktura Općine Maglaj nije ne zaslužuje da se nađe na ovakvom mjestu, na kome je ustanova.

Predsjedavajuća Svjetlana Zamboni: Izvolite Galijašević.

Vijećnik Firuz Galijašević (replika): Pozdravljam sve prisutne, nije mi jasna konstatacija da Dom kulture tone i tone a posluju u plusu 5.700,00 KM. više kritika je bilo prema Domu kulture čini mi se nego prema Komunalnom koji je u većem minusu. Hvala.

Predsjedavajuća Svjetlana Zamboni: Hvala Vam, izvolite gospodin Bilić, hoćete li se osvrnuti.

Jasmin Bilić: Gospodine Jašiću, što se tiče Vašeg pitanja znači dobro ste postavili pitanje vezano za Planove i Programe. Ja vam na to pitanje ne mogu odgovoriti. To su Planovi i Programi koje rade direktor, on je taj koji je menadžer i koji vodi firmu i koji daje vizije. Mi smo samo suport. Oni su ti koji daju tu viziju, naše je samo da njih pratimo i da budemo podrška. To bi bilo to. Što se tiče proširenja djelatnosti mi imamo u dvorani, uveli smo da imaju energetska pića i u kinu imamo isto.

Predsjedavajuća Svjetlana Zamboni: Pozitivno naravno i fiskalizovano sve. Da li ima još diskutirana? Ja bih nakon ove diskusije Izvještaj o radu stavila na glasanje, ko je za?

Glasalo za: Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH).

Glasalo protiv: Aida Bašić (NES), Aida Hadžić (DF), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusr, Edin Osmić (SDA), Mirza Mešić (samostalni vijećnik).

Uzdržanih: Nema.

Izvještaj nije dobio potrebnu većinu, rezultat glasanja je 13 vijećnika protiv, 11 za. Program rada JU Don kulture Maglaj, ko je za?

Glasalo za: Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH).

Glasalo protiv: Aida Bašić (NES), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusr, Edin Osmić (SDA), Mirza Mešić (samostalni vijećnik).

Uzdržanih: Aida Hadžić(DF).

Konstatujem da ni Program nije usvojen.

ZAKLJUČAK

3.1. Ne usvaja se Izvještaj o radu Javne ustanove Dom kulture Maglaj za 2022. godinu;

3.2. Ne usvaja se Program rada Javne ustanove Dom kulture Maglaj za 2023. godinu.

AD – 4:a) Izvještaj o radu Javne ustanove Centar za socijalni rad Maglaj za 2022. godinu

b) Program rada Javne ustanove Centar za socijalni rad Maglaj za 2023. godinu

Predsjedavajuća Svjetlana Zamboni: Prelazimo na narednu tačku Dnevnog reda a to je Izvještaj o radu JU Centar za socijalni rad Maglaj, možemo raspravljati također i o Izvještaju i o Programu rada a prilikom glasanja ćemo odvojiti. Otvaram raspravu, vijećnica Hadžić.

Vijećnica Aida Hadžić: Ovakvo, ja ne znam odakle bih krenula i šta bih, kako ustavrri da poredam ono što sam htjela da kažem. Obično i to meni žao u većini javnih ustanova ko se nije direktno vezan ili ne radi tu obično, kaže tu se ne radi ništa. Ja sam imala priliku da budem 4 godine direktorica i tako se doživljavalo često od nekih ljudi nekad i od građana da se tamo ne radi ništa a zaista je jako težak posao, obiman i svake godine se stalno nešto novo nameće centrima a da se pri tome ne pita da li oni mogu to da stignu i da li imaju kapaciteta. Ono što smo imali u prethodnom periodu, jeste da smo uspjeli se izboriti za još jednog socijalnog radnika i nastojali smo da dobijemo i psihologa, međutim od toga se na kraju odustalo pa se opet vratilo na onu istu situaciju gdje imamo u Centru za socijalni rad samo dva socijalna radnika a znamo da je po nekim standardima na 4000 stanovnika 1 socijalni radnik potreban. Onda se postavlja pitanje da li se javne ustanove zaista gledaju samo kao potrošači ili kao ustanove koje pružaju usluge svima nama. Da se opet vratimo i malo da li treba da pričamo ili ne trebamo u ovim situacijama u Srbiji, Lukavcu, svemu mi zaista u zadnje vrijeme imamo i Centar za mentalno zdravlje, dugo nismo imali ni psihologa pa evo sad kako je krenuo da radi, zaista ima puno posla i oni to bolje znaju i

oni će iznijeti svoj Izvještaj, ali evo kroz neku našu saradnju znamo koliko je to bilo neophodno. Opet znamo koliko je potreban i još psiholog u Centru za socijalni rad ako ništa drugo da radi sa djecom u školi. Mi imamo zaista tu potrebu, ja kao profesor to vidim koliko vi možete kroz svoju djecu ko ima veću ili manju djecu da primjetite, dovoljno je da vidite i natpise po Facebook-u, televiziji koliko je negativnih informacija i koliko to loše utiče na našu djecu. Da našoj djeci zaista treba konstantan rada ne samo po potrebi i kad se javi problem da s eonda uključuje pojedine institucije. Ono što se sada svodi da centar više treba da radi na obradi podataka i prikupljanju zahtjeva i da se svodimo na to da su te javne ustanove maltene kao neka administrativna organizacija koja je zadužena samo za to. Mislim da prvo ima drugu namjenu, a to je i preventivni rad i rad na jačanju porodice i kapaciteta. Ja imam jedan prijedlog koji ću na kraju iznijeti kao inicijativu vezano je opet ja jačanje kapaciteta Centra i zaista trebamo tu ustanovu posmatrati ne kao potrošača nego kao neko ko donosi korist svima nama. Mi smo tu kao Vijeće da donesemo odluku da li to nama zaista treba, da li je to baš trošak zaposliti još jednog socijalnog radnika i psihologa ili je to nešto što može svima biti od koristi pa ako treba u narednom Budžetu da se svi odrekemo nekog dijela ako je baš problem toliko ali da imamo korist koja je zaista svim anama potrebna. Moramo čuvati našu djecu moramo raditi na jačanju porodice, koja je danas u izuzetnom velikom problemu. Imali smo u projektu SOS dječija sela gdje su radili zajedno sa Centrom za socijalni rad na jačanju kapaciteta porodice, gdje je bilo 60 porodica uključeno, gdje su zaista imali dobre rezultate, gdje je konstatno se radilo s tim porodicama i gdje imamo pokazatelje koliko se uspjelo pomoći, koliko se uspjelo napredka napraviti od nekih porodica ali je to opet specifičan slučaj jer tu nemate brojki. Tu ne možete reći samo evo mi smo četvoro djece spasili. Znae koje je zadovoljstvo kad jedno dijete spasite iz neadekvatne porodice kao što smo nedavno imali priliku pa je to dijete usvojeno i bukvalno spašeno. Ako imate priliku da učestvujete da jednoj osobi koja je ovisnik pomognete da se izliječi, to je neprocjenjivo. Da se radi o nekom našem bližem drugačije bi to gledali. Smatram da je tu odgovornost opet na osnivaču da malo drugačije posmatra javne ustanove i da imaju podršku svi. da treba raditi malo na jačanju kapaciteta i da Centar za socijalni rad treba da ima prvenstveno onu ulogu kako joj piše u zakonu a ne da se zatrpava tim drugim poslovima a iz godine je to tako.

Predsjedavajuća Svjetlana Zamboni: Hvala lijepo. Da li ima još diskutanata, nema pitanja. Zaključujem raspravu te Izvještaj o radu stavljam na glasanje, ko je za ?

Glasalo za: Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH).

Glasalo protiv: Aida Bašić (NES), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusr, Edin Osmić (SDA), Mirza Mešić (samostalni vijećnik).

Uzdržanih: Aida Hadžić (DF).

Izvještaj nije dobio potrebnu većinu. Prelazimo na Program rada ko je za ?

Glasalo za: Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH).

Glasalo protiv: Aida Bašić (NES), Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusr, Edin Osmić (SDA), Mirza Mešić (samostalni vijećnik).

Uzdržanih: Aida Hadžić (DF).

ZAKLJUČAK

- 4.1. Ne usvaja se Izvještaj o radu Javne ustanove Centar za socijalni rad Maglaj za 2022. godinu;
- 4.2. Ne usvaja se Program rada Javne ustanove Centar za socijalni rad Maglaj za 2023. godinu.

AD – 5:a) Izvještaj o radu Javne ustanove Narodna apoteka Maglaj za 2022. godinu
b) Program rada Javne ustanove Narodna apoteka Maglaj za 2023. godinu

Predsjedavajuća Svjetlana Zamboni: Prelazimo na narednu tačku Dnevnog reda a to je Izvještaj o radu JU Narodna apoteka Maglaj. Evo na zahtjev predsjednika Klubova pauza do 13,00 sati. Nastavljamo s radom, otvaram raspravu. Izvolite vijećnik Begić.

Vijećnik Jasmin Begić: Evo ovako, ja bih prvo provjerio da li ima neko iz apoteke, direktica ili neko iz Upravnog odbora da postavimo par pitanja. Opet nema, znači. Ne sumnjamo u pozive, sumnjamo u namjere tih direktora koje je ova vlast imenovala koji prvo ne misle dobro ovom Vijeću pa tako i građanima ali su oni direktori javnih ustanova zato u poteci imaju platu 2.589,00 KM. naravno da mi ovaj Izvještaj ovakav nećemo prihvatiti, prvo što obiluje štamparskim greškama koje se i mogu tolerisati, druga stvar što u prihodima naznačeno umjesto 2022. , piše 2021. godina. To stvara veliku zabunu ljudima koji čitaju pa sam ja tako dodatno tražio da budem siguran da je ovo Izvještaj 2022. godine tražio dodatno da mi služba pošalje i Izvještaj iz 2021. godine da vidim o čemu se radi. To je jedan od razloga zbog kojeg mi nećemo prihvatiti ovakav Izvještaj. Ima mnogo drugih razloga ali ću ja samo biti kratak i navest ću samo neke pošto sam imao dosta pitanja za direktoricu ali eto neću moći ponovo dobiti odgovor.

Predsjedavajuća Svjetlana Zamboni: Ukoliko se slažete mi možemo Vaša pitanja proslijediti i u pisanoj formi.

Vijećnik Jasmin Begić: Ja mislim da ste vi to uvijek proslijedili ali ja nisam nikada odgovor dobio. Vi ste odradili svoj dio posla u to ne sumnjam isto kao i za neke druge javne ustanove ali ja odgovor nisam nikako dobio. Troškovi javne ustanove su jako uvećani s tim da se uvećao i prihod. Imamo troškove za utrošeni materijal čišćenja i održavanja kancelarija je iznosio 14.581,00 KM. Uzmemo li u obzir da na platnom spisku javna ustanova ima uposlene čistače koji uredno primaju platu, uredno su uplaćeni doprinosi i sve to postavlja se pitanje gdje je utrošeno 14.500,00 maraka dodatno. Troškovi zaposlenih su također povećani za 21.000 maraka. Pet sjednica Upravnog odbora je građane koštalo 5.466,00 maraka. Na promet od 3.343.000,00 dobit je iskazana 2.780,00 maraka, poslije sjednice ću ih pitati samo ko im je knjigovođa da i meni to uradi. Naravno sarkazam. Na ovaj promet je trebala dobit biti dosta veća ali su nabildani troškovi iz tog razloga da se ne plati i ono državi što je sljedeće. Velika marža na lijekove utiče na to da veliki broj građana ide u okolne općine kupovati lijekove. Moje pitanje bi se odnosilo na njih ponovo kolika je marža na lijekove koji nisu na esencijalnoj listi a neophodni su za zdravlje građana? Ja sam se potrudio pa sam na osnovu ovih pokazatelja izračunao da je 24 %, zakonom je predviđena maksimalna 25 %. Na lijekovi koji trebaju da su od životnog značaja za pojedine porodice može biti i 5 i 10 ili nebitno. Sve zavisi od empatije koju imamo mi prema građanima svojim jer se radi o javnoj ustanovi. Ako ste čitali Izvještaj ovaj vidjeli ste da već treći put nam se iskazuje zakupnina za poslovni prostor pojedinačna cijena. 44.500,00 maraka iznosi zakupnina za poslovni prostor. Postavlja se pitanje ekonomske isplativosti da mi imamo pokazatelje sad koliko se sad koji poslovni prostor plaća. Mi bi možda krenuli u proceduru sa ovim prometom i ovom kirijom koja je jako skupa, možda bi mi izglasali da javna ustanova sebi kupi poslovni prostor, da nešto ima u trajnom vlasništvu, ne da svake godine mi gubimo toliki novac. Također, imao bih ja tu ja još nešto al nema smisla stvarno da ja ovo vama pričam, vi ste ovo čitali. Ja sam mislio postaviti pitanje osoblju apoteke i zašto pošalju Izvještaj a ne prisustvuju sjednici, da nam odgovore na ova pitanja ali to je izgleda praksa ove vlasti da se bahato ponaša i da ponižava ovu ustanovu koja je i osnivač te firme. Toliko.

Predsjedavajuća Svjetlana Zamboni: Hvala lijepo. Da li ima još diskutantata? Nema, obzirom a uvijek otvaramo raspravu i o Izvještaju i Programu rada ja ću evo zaključiti raspravu a Izvještaj stavljam na glasanje, ko je za ?

Glasalo za: Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH).

Glasalo protiv: Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusur, Edin Osmić (SDA), Mirza Mešić (samostalni vijećnik), Aida Hadžić (DF).

Uzdržanih: Aida Bašić (NES).

Konstatujem da Izvještaj nije dobio potrebnu većinu. Program rada ustanove stavljam na glasanje, ko je za ?

Glasalo za: Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH).

Glasalo protiv: Elvir Vehabović (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusur, Edin Osmić (SDA), Mirza Mešić (samostalni vijećnik), Aida Hadžić (DF).

Uzdržanih: Aida Bašić (NES).

Konstatujem da ni Izvještaj ni Program nisu dobili potrebnu većinu.

ZAKLJUČAK

5.1. Ne usvaja se Izvještaj o radu Javne ustanove Narodna apoteka Maglaj za 2022. godinu;

5.2. Ne usvaja se Program rada Javne ustanove Narodna apoteka Maglaj za 2023. godinu.

AD – 6:a) Izvještaj o radu Javne ustanove Narodna biblioteka Maglaj za 2022. godinu

b) Program rada Javne ustanove Narodna biblioteka Maglaj za 2023. godinu

Predsjedavajuća Svjetlana Zamboni: Prelazimo na narednu tačku Dnevnog reda a to Izvještaj o radu JU Narodna biblioteka Maglaj i program rada JU Narodna biblioteka Maglaj. Otvaram raspravu. Izvolite.

Vijećnik Eldin Pehrat: Sve vas srdačno selamim i pozdravljam evo ja ću vrlo kratko mi u Klubu vijećnika SDA vezano za Izvještaj Narodne biblioteke, mi smo mišljenja da je ustanova jedan od pozitivnih primjera i jedan od najvećih promotora našeg grada. Nadam se da će se u budućnosti povećati finansijska sredstva koja su namijenjena za ovu javnu ustanovu kako bi još više unaprijedili i povećali svoje aktivnosti. S tim u vezi mi ćemo podržati i Izvještaj i Plan rada.

Predsjedavajuća Svjetlana Zamboni: Hvala najljepša. Da li ima još diskutanata, prije glasanja pauza na zahtjev potpredsjednika Kluba SDP-a. Nastavljamo s radom izvolite vijećnik Mujkanović.

Vijećnik Arif Mujkanović: Klub SDP-a je odlučio da podrži izvještaj uz konstataciju za razliku od kolega koji su prethodne, rukovodili se time da gledaju na kojim je pozicijama kadrovi bloka sa druge strane, mi smo ipak odlučili da ne budemo takvi da kažemo da ljudi su radili svoj posao da podržimo rad ustanove i želimo joj svu sreću u daljem poslu. Nadam se da će i ove ustanove prethodne poslovale su pozitivno pa nisu podržali, mi ćemo podržati u svakom slučaju svaku ustanovu koja dobro radi.

Predsjedavajuća Svjetlana Zamboni: Maide, ispravka krivog navoda.

Vijećnik Maid Suljaković (ispravka krivog navoda): Ispravka krivog navoda odnopsi se na navod gospodina Arifa da smo mi podržali svoje kadrove. Mi svojih kadrova nemamo, mi nismo nikog imenovali tako da nismo mogli ni podržati ni oboriti ničije kadrove.

Predsjedavajuća Svjetlana Zamboni: Hvala najljepša, da li ima još diskutanata? Zaključujem raspravu te Izvještaj stavljam na glasanje, ko je za ?

Glasalo za: Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH), Aida Bašić (NES), : Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusur, Edin Osmić (SDA).

Glasalo protiv: Nema.

Uzdržanih: Aida Hadžić (DF), Mirza Mešić (samostalni vijećnik), Elvir Vehabović (samostalni vijećnik).

Konstatujem da je Izvještaj usvojen. Program rada ko je za?

Glasalo za: Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BiH), Aida Bašić (NES), : Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusur, Edin Osmić (SDA), Aida Hadžić (DF), Mirza Mešić (samostalni vijećnik), Elvir Vehabović (samostalni vijećnik).

Glasalo protiv: Nema.

Uzdržanih: Nema.

Konstatujem da je jednoglasno usvojen Program rada.

ZAKLJUČAK

6.1. Usvaja se Izvještaj o radu Javne ustanove Narodna biblioteka Maglaj za 2022. godinu;

6.2. Usvaja se Program rada Javne ustanove Narodna biblioteka Maglaj za 2023. godinu.

AD – 7: Izvještaj o radu Javne ustanove Dom zdravlja Maglaj za 2022. godinu

Predsjedavajuća Svjetlana Zamboni: Prelazimo na narednu tačku a to je Izvještaj o radu JU Dom zdravlja Maglaj. Ukoliko je potrebno napraviti pauzu da se ispričate recite, ja ću napraviti pauzu, ukoliko nije da nastavimo s radom. Otvaram raspravu. Vijećnik Vehabović.

Vijećnik Elvir Vehabović: Još jednom vas pozdravljam. Ispred sebe imam Izvještaj o radu JU Dom zdravlja Maglaj, ne znam da li d aga nazovem neozbiljnim, smiješnim ili kako. Govorit ću čisto činjenice koje se nalaze u ovom Izvještaju a koje neću da kažem, bit ću blag, koje nisu istinite. Krenut ću po redu. Na stranici broj 1. imate spisak koliko ima uposlenika, tu ću se okrenuti da ima 110 zaposlenika samo ću pohvaliti naravno ironično konkurse koji su provedeni u ustanovi, gdje su konačno došli na svoje oni koji su kupovali škole po kojekavim Širokim Brijegovima i ostalim i da našoj djeci pošaljemo poruku da nema potrebe da idu u školu, odete i kupite diplomu i postanete medicinski tehničar i završite svu priču. Normalno imate uslov prije toga, morate imati člansku kartu i pljuvati tamo po ljudima koji neće da vas zaposle.

Predsjedavajuća Svjetlana Zamboni: Molim vas pažljivo slušajte diskusije vijećnika a onda se javljate za riječ.

Vijećnik Elvir Vehabović: Znači, unaprijed se znalo ko će biti zaposlen. 49 kandidata, 6 se znalo ko će biti zaposlen, znači 10 dana prije završetka konkursa. Loto, čudo. Stranica broj 9. saradnja sa Općinskim načelnikom i njegovim saradnicima u 2022. godini je bila kao i u prethodnim godinama dobra. U prethodnim godinama nije bila dobra, 2020. i 2021. godine korone kad je narodu općine trebala sva pomoć pojedinac je odlučio da uzme od Budžeta Doma zdravlja 100.000,00 KM. imate to u izvještajima budžeta za 2020. 2021. godinu, znači da uzme od naroda od pružanja zdravstvene zaštite. Jer nije valjao direktor, kaže ovako u 2022. godini edukacija u oblati hitne medicinske pomoći ALS i BLS, majko mila i draga. Edukacija iz ALS izvedena 13. i 14. februara na Valentinovo 2021. godine i već vam je istekla. Važi dvije godine. Za vrijeme mandata onog tamo nekog lošeg. U 2022. godini niste imali ALS i BLS. BLS je bio prije toga z Tešnju. Hajde reći ćemo blago neistina. Pa se pominju edukacije iz proodične medicine, volio bih da mi kažete koga ste u 2022. godini poslali na edukaciju. Pa dole ide dalje, kaže upućen zahtjev za odorenje specijalizacije, gospodo draga odobrenje je došlo do 31.03.2022. godine, opet za vrijeme tamo nekog a konkurs je raspisan krajem 2022. godine. Odobrenje da bi dobili za specijalizaciju morate poslati da kažem trebovanje u Fedralno Ministarstvo zdravstva, pa oni pošalju odobrenje za ono što ste vi tražili. To odobrenje je došlo opet za vrijeme onog tamo nekog. Zagrijavanje po prvi put u historiji služba hitne nije imala 24 satno grijanje, to vam moram čestitati

i predlažem da ukinete i vodu is truju da bi uštedili jer to su vaši menadžmenti. To je vaš način da radi. Znači ukinemo grijanje a sad predlažem da se ukine i struja i voda. Šta će nam? Kaže, u tom smislu JU Dom zdravlja Maglaj primjer za rad neophodnih stručni kadar te redovno raspisala javni poziv za upražnjeno radno mjesto u Centru za rani rast i razvoj. De mi samo recite koga ste u 2022. godini zaposlili u Centru za rani rast i razvoj. Opet je to tamo neki drugi našao psihologa i logopeda i tamo nekih prethodnih godina. Neurofeedback zahvaljući inicijativi Senada Šehića a prijedlogu jednog privrednika, nije tu pa neću ime da mu govorim, pokrenuta je inicijativa 11.03.2021. godine, završena možete provjeriti na zvaničnoj stranici otvorimo vrata zajedno 11.03.2022. godine opet do 31.03.2023. godien. Vi ste uspjeli naduvati balone i staviti vrpcu da presječete, čestitam, mene niste smjeli pozvati znam. Hajmo sad malo o finansijama. Zahvalio bih se kolegi Jamsinu Begiću što mi je ovo ovako fino, jedan mali dijagram pokazao. Ja nacrtao rukom on mi ovako malo doradio. 31.12.2017.,2019.,2021. i 2021. Crvena linija tok novca u kasi raste do 31.12.2021. sa 126.000 na 379.000 i prvi put je pad 31.12.2022. na 360.000. znači ukupno je bilo novca porasta pa nekakvih 280.000 u te četiri godine tog lošeg. 67 otprilike hiljada godišnje raslo na računu para u Domu zdravlja za vrijeme onog lopova, sa dje krenulo da opada, pa je krenulo prve godine 17 hiljada, a sad malo projekcije. Šta bi bilo kad bi bilo. Da sam kao ja ostao direktor to bi išlo ovako jednom linijecom pa bi bilo ovdje još plus 67 pa bi to bila nekakva cifrica hajde nebitno, međutim zamislite da one 2020. i 2021. kao što je 2022. isplaćeno svih 197.000,00 iz Budžeta kad je došao dobar direktor, mislim podoban da je ona lopov dobio iz Budžeta sve. Cifra 2021. ne bi bila 379 nego 475.284,00 marke i plus onih 67 svake godine što je onaj lopov kamario sad bi trenutno bilona računu 542.570 maraka, to je projekcija. Nekom matematikom onako s visine da vas posmatram i da kažem pa vrijedite vi 60 % Elvira Vehabovića čestitam svi zajedno, kad kažem svi zajedno mislim na Upravni odbor, Općinskog načelnika i direktoricu, uposlenicima svaka čast. Gdje leži problem u Izvještaju sve piše, ukupni prihodi povećani za 8 % a kaže sredstva uz zavoda za 10 % i plus pare iz Budžeta Općine. Znači budžetska sredstva povećana a ukupni prihodi pali, što će reći da s ene radi ništa osim da se uzimaju pare. Na kraju, u posjedu sam dokumenta koji kaže da odgovor Federalnog Ministarstva zdravstva a sukladno tome tražit ć zaključak koji kaže da se menadžment iz Travnik i Kiseljaka ne priznaje i ne može služiti kao papir za obavljanje funkcija direktora u javnim ustanovama pa tražim zaključak da se ispita taj navod, da se ministarstvu pošalje upit da li se kao dokaz o završenom menadžmentu mogu koristiti fakulteti u Travniku i Kiseljaku, jer ja imam papir da je jedna ustanova tražila i rečeno je da ne može. U čemu je kvaka u pravilniku o završenom meadžmenu koje je donijelo ministarstvo pišu i sati koliko se mora gdje provesti, pa piše ta edukacija 2, 4,6, 8, sati, postoji vremenski period koliko to dugo traje. Ja znam, da se može otići u Kiseljak i kupiti za mjesec dana ali fali ono vrijeme. Elvir Vehabović je išao dvije godine, svakog drugog vikenda petak i subota, platio iz svog depa 5.700,00 KM, znači, zaključak da se provjere navodi da menadžment iz Kiseljaka i Travnik se ne može koristiti za obavljanje funkcije dirketora javnih ustanova.

Predsjedavajuća Svjetlana Zamboni: Dalje, nema više prijavljenih diskutanata, da li će se predstavnicij ustanove obraćati. Na zahtjev Kluba SDP-a pauza.

Nermina Krzić: Dobar dan, ja sam doktorica Nermina Krzić, stomatolog, trenutno penzioner. Slušala sam izlaganje gospodina Vehabovića, što se tiče Izvještaja slažem se svi ovi do sada Izvještaji gdje god bili oni na nivou općine, kantona da su copy paste i da se mijenjau datumi. To0 je sve isto rađeno i dok je bio doktor Vehabović jer ja sam bila u Upravnom odboru. Nećemo o lošim stvarima, ići ćemo o dobrim stvarima koje smo mi kao ja koja sam sada predsjednik, koje su dobre za Dom zdravlja. Jedino ću ići o projektima kojim se mi sada bavimo jer Dom zdravlja je više potrošački i uslužni nego nešto što se može reći da prodajemo nešto opipljivo, nego bi trebali da prodajem zdravlje. Prodavanjem zdravlja bi trebalo da bude da što više zdravih imamo na ovoj općini, što manje bolesnih, preventiva. Mislim da svi do sada koliko god se radilo, da se raidlo na toj preventivi a da jednostavno današnja situacija, ekonomska situacija dovodi do toga da nas sve što se čini od usluga, da je sve poskupilo. Da sve ono što možemo da skupimo da napravimo pozitivu ne možeš zbog ekonomske situacije, ne samo kod nas nego u čitavoj Europi. Vi dobro znate da sam ja prošle godine tražila posebno sjednicu za Dom zdravlja upravo zato što je moje da

mi napravimo da ona bude uslužna za građane a ne da sad gledmao kome ona pripada jer mi kad primamo pacijente ne primamo da li on ima crvenu, zelenu, žutu ili bilo koju knjižicu. Ovo sad koliko ima uposlenih to je varijabilno, kad se pravi izvještaj pravi se s početka godine, sad kad bi gledali ova situacija ne bi bila takva. To nije baš toliko bitno, bitno je da ti ljudi rade pošteno i pošteno platu dobijaju. Što se tiče specijalizacija i svega toga, ja bih voljela da naša ustanova ne bude primarna nego kad bi bili a zagovarala sam da napravimo i sekundarnu, jedan bolnički odjel. Vlasti nam ne dozvoljavaju, tako da bi imali mi mnoge druge profile što se tiče specijalizacije, da nam vijet ne bi odlazio Tešanj i Zenica nego bi bio uslužan ovdje. Kad sam tražila hirurško odjeljenje da se napravi kažu ne možete jer to zakon ovakav, onakav kako god da okrenete u našoj državi zakoni su jedno, želje su drugo. To treba da shvatite. Ne ulazim u to ko je dobar, ko loš. Ja sam za to za napredak i da naša ustanova blista, da jednostavno svaki pacijent koji dođe bude zadovoljan. Svugdje vi imate da je neko zadovoljan, neko nije u to neću, to imaju direktori i menadžer. Ja kao predsjednik Upravnog odbora mogu da kažem da smo vodili računa da za vrijeme korone i svega toga, napravimo troškove što manje i vidjeli ste sami, ja sam još onda rekla što bi voljela da naša hitna bude odvojena, da imamo posebno zaposlene ljekare koji će primati platu gdje ćemo stvoriti dva nova radna mjesta, međutim situacija ne dozvoljava i mi ne možemo to da uradimo jer trenutno kad pogledmao i sabereimo sve to, kažu ne možemo. Prema tome, jedno su želje, jedna je situacija. Niko nije rekao da mi ne želimo dobro našem narodu i dobro ovom Domu zdravlja. Mogu reći pozitivno ići ću o tome da naš Dom zdravlja ima 6000 m². Vidjeli ste u Europi vezano za plin, za rat u Ukrajini, za obnovljivu energiju, lično sam uspjela ja iz Ministarstva zdravstva obezbijediti sredstva za panele i ta sredstva su nam stigla uplata kad je došla nova ministrica a odobrenje je bilo iz prethodnog. Ovo vam izlažem nešto što je dobro. Ni dan danas bez obzira što imamo ta sredstva upravo zbog ovakve situacije kakva je država na vrhu, takva je i vlast. Mi ne možemo ta sredstva da primjenimo da napravimo zbog opstrukcija, znači jednostavno para leži, mi gubimo taj novac upravo zbog toga što imaju pojedinci koji će doći i reći nije uredu a ima pravo da kaže uredu takav zakon. Nije ni važno, mi ćemo ta sredstva i gledati da Dom zdravlja Maglaj bude prvi koji će imati panele gdje će ta energija biti pošto kod nas je dosta na struju, gdje ćemo imati veliku uštedu. Daj Bože da smao neko više ne pravi opstrukcije po tom pitanju. Drugo što je isto dobro, vi znate da Dom zdravlja bez vozila i hitna je kao bez ruku. Od 2014. godine od donacija ta vozila su se pokvarila, ne valjaju i za mog Upravnog odbora uspjeli smo povezati se sa japanskom ambasadam, tražili smo od njih sredstva i uspjeli smo dobiti tako da smo već u proceduri nabavka dva sanitetska vozila, prema tome i to je nešto pozitivno. Što je još jedno pozitivno da nam se bar neko javio da želi da ostane u Maglaju kao ljekar, tako da smo dali i tu jednu stipendiju. Još što je pozitivno, što želim da naš Dom zdravlja Maglaj po prvi put nekad je to radio, međutim sve se svelo na kanton, da preuzme općenito deratizaciju, da oformimo tim, da nabavimo ta sredstva da mi sami krenemo raditi po Maglaju i okolici deratizaciju i to su ogromna sredstva. Neko je to rekao da to treba da bude u Zenici glavna cjelina, da ne bude po domovima, nekom je to bilo tamo u interesu. Mi gledamo da na neki način ako uspijemo dobiti da i to radimo, da bi na neki način poboljšali finansije po to pitanju. Ja dalje ne bih, iščitati ste Izvještaj, ovo su te neke fine stvari, koje ću ja da iznesem a o ružnim ću dati vama da vi pričate.

Predsjedavajuća Svjetlana Zamboni: Hvala Vam doktorice.

Nermina Krzić: Izvinite, da odgovorim doktoru Vehaboviću vezano za lijep plan što mu je Jasmin napravio sa crvenom linijom poslovanja. Dragi moj Vehaboviću, ja sma zato pozvala pravnika i ekonomistu. Pitala sam ekonomistu koliko godina radi, kaže 18 godina. Sedina molim Vas mozet eli ustati. Tu je, bez obzira budite malo kolegijalni. Procedura, ne podliježem proceduri koliko vidim po tome. Znači 18 godina pitala sam je, da li je za njegovog vakt ikad Dom zdravlja bio pozitivan, nikad, sem 2014. godine od donacija. Vi ćete sad pričati kako neko dobro radi, kako neko loše radi, za mene to je bez komentara. Doktore Vehaboviću, ja sam bila i za vašeg vakt, ja kažem nekad revanšizam ne može donijeti nešto pozitivno ipak bi trebalo da saberete i da vidite stvarno pravu situaciju. Jel me razumijete. To je ono što ja mogu da odgovorim.

Predsjedavajuća Svjetlana Zamboni: Hvala vam doktorice Krzić, izvolite doktore Vehabović.

Vijećnik Elvir Vehabović(replika): Ako imate dokaze da sam ja radio copy paste, donesite ih ovdje. Ja imam za Vas potpisano da ste Vi uradili nešto u 2022. godini a niste. Vaš potpis na kraju. Ova crvena linija, ovo nije finansijski izvještaj, ovo je stanje keša, para na dva računa Doma zdravlja. Elementarno nepoznavanje, ovo je 126.000,00 KM a ovo je 379.000,00 KM a finansijski izvještaj je nešto drugo. On obuhvaća amortizaciju i otpis i sve. Ovo je stanje keša, koji prvi put u 5 godina pada dole, prvi put. Imate koeficijent likvidnosti pročitajte, ja sa svojim saradnicima kad sam radio išao je 2,31, 2,41, 2,51. Koeficijent likvidnosti vam je sad 2,17. Ja znam gdje je kvaka i znam šta je problem. To je vaš način poslovanja i ovo će nastaviti dole da ide, pa ćete onda doći u situaciju da će faliti para za plaćanje računa i nećete biti likvidni. Slušali smo i prošle godine priče da treba ovo, da treba ono. Ja se pitam šta ste konkretno od prošle godine uradili, koji ste dokument donijeli za to ginekološko odjeljenje i to hirurško odjeljenje. Sve što ste rekli sad o panelima, to je trebao da bude Program rada i da stoji u Programu rada. Ovo je Izvještaj za 2022. godinu, vi to niste uradili. Vi to planirate uraditi, možda stignete u 2023.,2024. Ta priča o kupovini auta to može biti i u planu, priča o panelima može biti u planu ne u izvještaju. Izvještaj je nešto što je urađeno a ono što se planira je Plan, kad bude izvršeno bit će u izvještaju. Nemojte reći da je reavnišizam, ovo su činjenice. Vi ste mene nazvali neozbiljnim kandidatom na konkursu za izbor direktora jer ste rekli da imam Plan i program koji se realizira, zamislite. Čovjek napravio Plan i program koji se realizira.

Predsjedavajuća Svjetlana Zamboni: Dozvolit ću ali pokušajte da ograničite broj diskusije. Reći ću da ste prozvani, molim Vas da samo..

Nermína Krzić: Odgovorit ću doktoru Vehaboviću, kad govori o copy paste. On je isti predao copy paste pa smo se smijali na Upravnom odboru, kad je predao svoje papire za direktora. Prepisao sve iz one tamo neke godine, znači služi se istim stvarima a ti kaži da to nije istina. Ja sam samo za istinite stvari, govorim o ekonomiji o nečemu što treba da bude za budućnost, ne samo meni nego svim generacijama. Da treba da se borimo. Ne koliko je ko šta napravio, koiko je šta osvojio, nego šta smo ostavili iza sebe. Toliko.

Predsjedavajuća Svjetlana Zamboni: Replika Vehabović.

Vijećnik Elvir Vehabović (replika): Konkretnih 379.784,00 KM sa 31.12.2021. godine. Ja konkretnije ne znam. Istina je namjerno promijenio datum jer ste pola godine prije toga za moj Plan i program rekli da je izvanredan i rekao vam ja na sjednici Upravnog odbora kad ste me intervjujulisali da sam namjerno ostavio isti jer nešto što je izvanredno se ne mijenja. Jer sma znao da me snimate, da pokušavate da me isprovocirate i sve to. Mobiteli ispod rokovnika i čeka se da Vehabović plane.

Predsjedavajuća Svjetlana Zamboni: Hajte da se držimo ovog Izvještaja. Izvolite Bešić.

Vijećnik Mustafa Bešić: Slušam ovdje prepucavanja. Ja ću izaći ako običan građanin, šta mi obični ljudi imamo od toga. Nas interesuje poboljšanje da imamo osigurane zdravstvene uvijete, da ne idemo kad nam se djeca razbole. Ovdje ne govorim pojedincu, šta ćemo napraviti kao društvo da imamo bolje uvijete. Gdje god otiđemo da li Zenica, Tešanj čekaj stani. Nama trebaju usluge građani očekuju ovdje usluge. Finansijski izvještaj to građane ne interesuje, samo usluge.

Predsjedavajuća Svjetlana Zamboni: Hvala najljepša. Replika Vehabović.

Vijećnik Elvir Vehabović (replika): Hvala gospodine Bešiću. Dobili bi to da ne plaćamo pregled u hitnoj 18,00 KM i dobili bi to ovaj pik ovdje na 542.000,00 d a je došlo onih 100.000 pa da se iščitao i to moj plan i program o kupovini CT-a, dobili bi CT. Toliko od mene i ja više ne govorim.

Predsjedavajuća Svjetlana Zamboni: Hvala lijepa, ja bih isto samo kratko prodiskutovala.

Vijećnica Svjetlana Zamboni: Obzirom da su predstavnici Upravnog odbora ovdje ja bih samo zamolila ili inicirala na određeni način da se razmotri mogućnost da se sistematski pregledi koji se obavljaju za ustanove ili možda ovo za vozačke dozvole, da li se oni mogu ikako odvojiti od redovnih pacijenata u smislu terminološki sam, kako s ene bi stvarale nepotrebne gužve. Mislim da auslije sistematskih pregleda često građani ispaštaju jer sistematski suorganizovani dođe mnogo ljudi u to vrijeme. Smao da vidite možda i o tim stvarima razgovarate na sjednicama Upravnog odbora.

Dopredsjedavajuća Aida Bašić: Hvala predsjedavajuća.

Predsjedavajuća Svjetlana Zamboni: Vijećnik Kusun.

Vijećnik Eldis Kusun: Ja vas sve selamim i pozdravljam, zahvaljujem se predsjedavajućoj što mi je osvježila pamćenje. Ja sam prošle godine kad se razmatrao Izvještaj za 2021. godinu, upravo što je predsjedavajuća kazala tražio. Direktorica je čvrsto obećala, međutim do današnjeg dana nikakvu informaciju nismo dobili a ja po svom iskustvu znam da i bio sam svjedok kad je konkretno firma Excel iz Poljica imala zajedno sistematski pregled, to jeste vađenje krvi sa svim ostalim pacijentima, ljudi su mukotrpno čekali. Za vrijeme doktora Vehabovića evo firma gdje radim, mi smo sa njim dogovorili aranžman i posebno smo bili odvojeni i posebno je za nas urađen sistematski. Nakon godinu dana od direktorice kojoj sam postavio pitanje, koja je ovdje odgovorila da će to i da učini. Konkretno primjer kada se radi sistematski pregled većinom treba i usluga i pregled neuropsihijatra. Meni je trebao taj pregled zato što sma morao donijeti ljekarsko za nešto što sam htio ostvariti jedno pravo i kad sam otišao jednom 40-ti sma bio na redu, drugi put 50-ti, treći put 30-ti i na kraju sam odustao, jer nisam mogao doći na red i to moje pravo je propalo baš zbog toga. Ja stvarno sugerisem kad se radi o tome i akd se rade ljekarski pregledi da se potruđi da osobe koje predaju zahtjev, plate uredno 50 i nešto KM da se odvoje i da bude malo drugačiji tretman od redovnih pacijenata. Znam da je navala, da neuropsihijatar nije redovno i svi ti specijalisti ali možda da se nade neki kompromis ali da se vodi računa o tome.

Predsjedavajuća Svjetlana Zamboni: Hvala Vam, šefica službe Eldina Mehinagić izvolite.

Eldina Mehinagić: Da vas i ja poselamim i pozdravim. Meni je poznato da Upravni odobri usvajaju Izvještaje i Planove. Na neki način su zaduženi da procijene da li javna ustanova radi ili ne. Nekako me ponukala ova izjava vijećnika Vehabovića pa samo bih voljela obzirom da je to direktno na neki način vezano za moju službu i pošto ja na neki način radim sve vezano za ustanovu kad je u pitanje odobravanje sredstava. Nije mi jasno ovih 100.000,00 KM , voljela bih da znam šta to nismo odobrili. Obzirom da ja imam informaciju da u 2020. godini planirano 192.200,00 maraka. Tada smo odobrili 149.000,00 maraka. U 2021. smo odobrili 145.000,00 maraka. S tim da ja koliko imam informaciju bio dogovor između Doma zdravlja i Općine Maglaj tada i ja ne mogu sada, tada je bio takav dogovor i tako je rađeno. Ako su to te pare? Samo to.

Predsjedavajuća Svjetlana Zamboni: Izvolite.

Vijećnik Elvir Vehabović (replika): Jeste to je taj novac i govorim stalno okruglu cifru i neko izade i kaže konkretnu cifru. Ništa ja što govorim ne govorim slučajno, dogovor nije bio. Niste Vi bili tada, nazvala me službenica iz Opštine Maglaj i priča ide ovako, kad već inicirate. Eto nama stigla revizija, dobro izvolite. Eto mi smo do sada uplaćivali 12.000 mjesečno. Rekoh ja dobro i. Pa eto šta ćemo sada? Kako mislite, pa kaže mi nemamo para. Šta ja sada tu mogu. Eto to je taj dogovor. Šefica prethodna ne mogu se sada sjetiti imena, računovodstva.

Predsjedavajuća Svjetlana Zamboni: Hvala. Da li ima još nekih komenata, diskusija ukoliko nema prije glasanja na zahtjev Kluba SDP-a pauza a raspravu zaključujem. Nastavljamo s radom. U konsultaciji sa doktorom Vehabovićem preformulisano, odnosno složen je ovaj prijedlog zaključka koji je iznio, koji ću satviti na glasanje. Dakle on je sugerisao da se provjere navode koje ima iz drugih ustanova da li je diploma o završenom menadžmentu u oblasti zdravstva iz Travnika i Kiseljaka da li se može koristiti kao relevantan dokument u konkursnoj proceduri za imenovanje direktora. Jeste li zadovoljni ovakvom formulacijom doktora Vehabović. Dakle ko je za ovaj prijedlog zaključka?

Glasalo za: Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH), Aida Bašić (NES), : Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejić, Eldis Kusun, Edin Osmić (SDA), Aida Hadžić (DF), Mirza Mešić (samostalni vijećnik), Elvir Vehabović (samostalni vijećnik).

Glasalo protiv: Nema.

Uzdržanih: Nema.

Prelazimo na glasanje po materijalu. Ko je za ?

Glasalo za: Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH).

Glasalo protiv: Nema.

Uzdržanih: Aida Bašić (NES), : Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusur, Edin Osmić (SDA), Aida Hadžić (DF), Mirza Mešić (samostalni vijećnik), Elvir Vehabović (samostalni vijećnik).

Konstatujem da Izvještaj o radu JU Dom zdravlja Maglaj nije dobio potrebnu većinu.

ZAKLJUČAK

7.1. Ne usvaja se Izvještaj o radu Javne ustanove Dom zdravlja Maglaj za 2022. godinu;

7.2. Da se provjere navodi da li se diploma o završenom menadžmentu u oblasti zdravstva iz Travnik i Kiseljaka može koristiti kao relevantan dokument u konkursnoj proceduri za izbor i imenovanje direktora.

AD – 8: Prijedlog Kriterija za dodjelu stipendije redovnim studentima I i II ciklusa studiranja sa područja općine Maglaj za akademsku 2022/2023. godinu

Predsjedavajuća Svjetlana Zamboni: Prelazimo na narednu tačku a to je Prijedlog Kriterija za dodjelu stipendija redovnim studentima I i II ciklusa studiranja s područja općine Maglaj za akademsku 2022/2023 godinu. Redovna tačka svake godine, sve je jasno rečeno. Otvaram raspravu, izvolite Bejzić.

Vijećnik Mirsad Bejzić: Selamim i pozdravljam sve prisutne. Klub vijećnika SDA će podržati je Prijedlog Kriterija za dodjelu stipendija redovnim studentima I i II ciklusa studiranja s područja općine Maglaj za akademsku 2022/2023 godinu, uz predloženi zaključak od strane službe, da se konkurs za dodjelu stipendija objavi nakon što Ministarstvo za obrazovanje, nauku, kulturu i sport donese konačnu listu i okonča svoje aktivnosti.

Predsjedavajuća Svjetlana Zamboni: Hvala lijepo. To je bila i dosadašnja praksa. Ima li još diskutacija? Nema. Ko je usvajanje ove tačke?

Glasalo za: Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH), Aida Bašić (NES), : Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusur, Edin Osmić (SDA), Aida Hadžić (DF), Mirza Mešić (samostalni vijećnik), Elvir Vehabović (samostalni vijećnik).

Glasalo protiv: Nema.

Uzdržanih: Nema.

Konstatujem da smo jednoglasno usvojili.

ZAKLJUČAK

8.1. Donose se Kriteriji za dodjelu stipendije redovnim studentima I i II ciklusa studiranja sa područja općine Maglaj za akademsku 2022/2023. godinu.

AD – 9: Informacija o stanju i kretanju nezaposlenosti i zapošljavanja na području općine Maglaj za 2022. godinu

Predsjedavajuća Svjetlana Zamboni: Prelazimo na narednu tačku a to je Informacija o stanju i kretanju nezaposlenosti i zapošljavanja na području Općine Maglaj za 2022. godinu. Otvaram raspravu, zatvaram raspravu i konstatujem da Informaciju primamo k znanju.

ZAKLJUČAK

9.1. Prima se k znanju Informacija o stanju i kretanju nezaposlenosti i zapošljavanja na području općine Maglaj za 2022. godinu.

Predsjedavajuća Svjetlana Zamboni: Prelazimo na vijećnička pitanja i inicijative. Bešić, zatim Hadžić, Bašić, Mešić, Perhat, pa tim redoslijedom. Imam i ja.

Vijećnik Mustafa Bešić: Naime radi se o nedavnim poplavama u mojoj mjesnoj zajednici. Mi smo pretrpjeli ogromnu štetu, gdje su nam naneseni problemi na infrastrukturi, poljoprivredi i pomoćnim objektima. Najveći nam je problem most na relaciji puta Domislica-Brezove Dane. Most je u potpunosti stradao. Potrebna je potpuna njegova rekonstrukcija. Ja sam razgovarao sa kolegom Perom Mamićem i Općinski načelnikom, pošto se radi o velikoj šteti. Trebaju izuzetno velika sredstva da se uputi inicijativa prema Kantonu i Federaciji kako bi most doveli u funkciju. Želim da napomenem, da je ovaj put od velikog značaja za gore naseljeno mjesto i stanovništvo koje tu živi. Uz Bošnjake žive i Hrvati i Srbi gdje imamo svoja poljoprivredna dobra. Ljudi imaju svoja gazdinstva, stoku i trenutno, taj put je u prekidu zbog ovog mosta. Most iziskuje veća sredstva. Po prvim procjenama treba sigurno nekoliko destina hiljada maraka, da se to sanira i napravi. Ovom prilikom želim da uputimo inicijativu prema višim nivoima kako bi put i most doveli u normalno stanje za stanovništvo da se može kretati.

Vijećnica Aida Hadžić: S obzirom da skoro na svakoj sjednici Općinskog vijeća Maglaj imamo neku od tačaka izmjene Regulacionih planova na dijelovima općine Maglaj, a da jedan broj poduzetnika i fizičkih lica tvrdi, kako u javnosti, tako i u dopisima koje šalju na adrese vijećnika i političkih subjekata, da je u pripremnim fazama obrade zahtjeva za izmjenama regulacionih planova diskriminisan (Primjer: Navodi vlasnika kompanije „Sjaj“, ali i nekih drugih). Tražim da se do naredne sjednice pismeno dostavi:

1. Koliko i koji poimenično, zahtjeva za izmjenu regulacionih planova je dobila Općina Maglaj, a da su stariji od tri mjeseca, računajući sa današnjim datumom.
2. Koji su razlozi subjektivne (ako ima) i objektivne prirode (zakonske prepreke) za neprovođenje procedure postupanja po zahtjevima za izmjenama regulacionih planova?

Vijećnica Svjetlana Zamboni: Inicijativa za izmjene Zakona o materijalnoj podršci porodicama s djecom u Federaciji BiH (“Službene novine Federacije BiH”, broj: 52/22) i Pravilnika o potrebnoj dokumentaciji za ostvarivanje prava na dječiji dodatak (“Službene novine Federacije BiH”, broj: 69/22). Navedena Inicijativa se odnosi na izmjene Zakona o materijalnoj podršci porodicama sa djecom u Federaciji BiH u dijelu koji se odnosi na član 12. stav (1), koji glasi: “Pravo na dječiji dodatak, pod uslovima propisanim ovim zakonom, ostvaruje dijete do navršene 18. godine života”, a na način da se ovo pravo priznaje roditeljima/starateljima djece tj. podnosiocima zahtjeva kako je to bilo regulisano i kantonalnim Zakonom o socijalnoj zaštiti, zaštiti civilnih žrtava rata i zaštiti porodice sa djecom, koji je bio u primjeni do početka primjene gore navedenog Zakona o materijalnoj podršci porodicama sa djecom. Na ovaj način pojednostavila bi se procedura podnošenja zahtjeva. Roditelj/staratelj bi podnosio jedan zahtjev za svu djecu te bi JU Centar za socijalni rad kao prvostepeni organ imao znatno manji broj predmeta i rješenja koja treba donijeti, čime bi se kompletna procedura ubrzala a troškovi koji nastaju znatno smanjili.

Što se tiče izmjena Pravilnika o potrebnoj dokumentaciji za ostvarivanje prava na dječiji dodatak, one se odnose na član 14. stav (3), koji glasi: “Transakcijski račun mora biti otvoren na ime djeteta”. Predlažemo izmjenu teksta koji bi glasio: “Transakcijski račun mora biti otvoren na ime jednog roditelja/staratelja djeteta koji podnosi zahtjev za ostvarivanje prava”.

Na ovaj način pojednostavila bi se također procedura podnošenja zahtjeva, a roditelji bi imali znatno manje troškove, s obzirom na to da trenutno plaćaju bankovne troškove vođenja računa za svako dijete pojedinačno.

Vijećnica Aida Bašić: Pokrećem vijećničku inicijativu-izgradnja trotoara na relaciji Novi Šeher-Strupina. Ulica koja vodi iz Novog Šehera do naseljenog mjesta Strupina, Radojčići, Galovac, Grabovica i dalje prema Tujnici, u dijelu od skretanja na raskrsnici u Novom Šeheru sa regionalnog puta 474 do mezarja u Strupinoj je veoma frekventna vozilima. Navedena ulica je strma i relativno uska, a zbog jednog pravca vozila koja saobraćaju razvijaju veliku brzinu prije ulaska u nepreglednu krivinu. Problem se posebno ogleda u činjenici da pješaci uključujući i maloljetnu djecu se kreću navedenim putem do škole u Novom Šeheru nemaju mogućnost da se sklone na bezbjedno mjesto i prisiljeni su da se kreću kolovoznim trakama, obzirom da nema izgrađenog trotoara. Kako bi se u narednom periodu spriječila tragedija koja se i do sada nije desila samo igrom slučaja, predlažem da se što hitnije pristupi izgradnji trotoara na navedenoj dionici puta. Također, bitno je napomenuti da je ova dionica dodatno ugrožena od teretnih motornih vozila koja svakodnevno saobraćaju istim prevozeći teret za gradnju autoputa Vc, te time rizik od kobnih susreta sa pješacima podižu na ekstreman stepen opasnosti. Ako nećemo da dozvolimo da se bavimo i analiziramo šta smo mogli uraditi, a nismo kada se nešto desi, onda djelujemo proaktivno i investirajmo u sigurnost.

Vijećnik Mirza Mešić: Pokrećem vijećničku inicijativu, obzirom da postoji već duži niz godina problem parkiranja vozila kako za fizička tako i za pravna lica na području općine Maglaj, ovom inicijativom tražim od Službe za urbanizam, geodetske i imovinsko pravne poslove da krenu u izradu Odluke o korištenju parking prostora na području općine Maglaj. Odlukom i korištenju parking prostora treba da se definiše način korištenja istih, jer smo svjedoci da u posljednje vrijeme postoji problem posebno za pravna ali i za pojedina fizička lica koja nisu u mogućnosti da pristupe svojim stambenim objektima koja koriste od njihovog postanka. Postoji Odluka iz ranijeg perioda gdje je definisana navedena problematika, međutim koristi se samo jedan dio iste a dio koji se odnosi na navedenu problematiku stavljen je van snage. Tražim da nadležna služba krene u izradu nove Odluke gdje će biti jasno definisano kako i pod kojim uslovima se mogu koristiti parking prostori na području općine Maglaj. Veoma je bitno da se prilikom izrade Odluke uključe stručna lica, Policijska stanica Maglaj i Savjet za bezbjednost saobraćaja na području općine Maglaj. Nadam se da će služba shvatiti ozbiljnost problema i pristupiti izradi Odluke o parking prostorima na području općine Maglaj u što kraćem roku. Pokrećem inicijativu za rješavanje problema parking prostora i drugih komunalnih problema stanara iz dijela ulice Viteška i Sarajevska. Problematika postoji već duži niz godina gdje jedan dio stanara ima problem pristupa i parkiranja vozila kod svojih stambenih i poslovnih objekata koji se nalaze na raskrsnici ulica Viteška, Bosanska i Sarajevska. Obručali su se u više navrata nadležnoj službi, međutim odgovora nije bilo. Ovom inicijativom tražim od nadležne službe da ponovo izađe na teren i da utvrdi činjenično stanje i pristupi rješavanju navedenog problema oko pristupa objektima i parking prostora. Zahtjev koji su poslali 17.05.2023. godinu na nadležnu službu, u kojem je jasno navedena problematika ne samo parking prostora, nego i ostala komunalna problematika, na koji nikad još nisu dobili odgovor. U zahtjevu, također, stoji da su koristili pristup i parking sa jedne strane međutim neko je odlučio da se postave fizičke prepreke u vidu kugla od betona i na taj način je zatvoren pristup. Veoma je opasno uključenje sa navedene površine na saobraćajnicu tačnije na ulicu Viteška, jer nije pregledno a samim time se ugoržava sigurnost učesnika u saobraćaju. Nadam se da će nadležna služba shvatiti ozbiljnost problema i pristupiti rješavanju u što kraćem roku.

Vijećnik Eldin Pehrat: Shodno vijećničkoj inicijativi koju sam podnio 10.02.2022 godine, gdje sam ukazao na problem propadanja betonskog mosta, slabljenja njegove konstrukcije katastrofalnog prilaza mostu, te gdje sam zahtjevao postavljanje zaštitne ograde, ponovo podnosim vijećničku inicijativu za rekonstrukciju istog. S obzirom da je prethodnih dana na navedenom mostu, postavljena zaštitna ograda bez bilo kakve ranije sanacije oštećenja mosta, smatram da se radi o klasičnom zamazivanju očiju građanima od strane nadležnih, na šta mi je ukazao i veliki

